

TOP-UP & WIN YOUR DREAM CAR



24/7 Customer Care: Call 345 6789 or www.telkompng.com.pg

Worth of
K25,000
every month

*Check in-store Posters for more details

©Caribbean Airplay

3G⁺
ALCATEL SMART DEALS

Konekt na surf wantaim ol niupela Alcatel Smartphones. Harlap taim stock i stap.



K249



K269

WWW.DIGICELPNG.COM

Taim na kamabaina apen

Digicel

PNG's Bigger, Better Network.



PNG SAINIM AGRIMEN PINIS:
Australia bai stat salim ol asailam sika i go long Manus na Nauru long ol prosesim senta long hap. Praim Minista Peter O'Neill na Foren Afes Minista Rim-bink Pato i bin bungim Australia Praim Minista Julia Gillard na Imigresen Minista Chris Bowen long Rasia we ol i stap long bikpela Esia Pasifik Ekonomik Kopore-sen kibung. POTO: AAP Images

Mosbi em i gutpela siti long mekim bisnis

Aja Alex Potabe i raitim

MOSBI SITI i bin karim nem nogut sampela taim i go pinis olsem wampela nogut kapital siti long wol bikos kraim level bilong en i bin stap antap tru.

Dispela taim planti stil pasin, pasin rep, hol-ap na ol arapela kainkain pasin nogut i save kamap tasol nau em i wok long isi-isi senis.

NCD Gavana Powes Parkop i tokim wampela bung bilong PNG Advantage long Gateway Hotel olsem

Mosbi siti em i wok long isi-isi senis gut tru long kamap wampela gutpela ples insait long PNG.

Dispela bung i bin toktok long mekim bisnis long PNG, na Parkop i tokim ol investa na bisnis manmeri long inves na mekim moa bisnis

long dispela namba wan siti bilong PNG bikos bisnis na investmen bilong ol bai stap seif moa tru.

"NCD munisipal gavman em i stap redi long helpim yupela. Yupela i kam inves long siti bilong yumi. Mosbi em i dua we i go long ol ara-

pela liklik senta na ples insait long kantri. Olsem na mi tokaut olsem mi stap redi long helpim ol investa long mekim bisnis long Mosbi bikos bisnis bilong yupela bai stap seif," Parkop i tok.

I go moa long pes 2



....the perfect choice

VITAMIN ENRICHED

More Easy, More Tasty, More Healthy.



TELE Apdeit

Video Conferencing

Video conferencing allows parties at multi locations to communicate with each other face to face. The product is a perfect solution for government and business interactions.

Features

- Real time video conferencing
- Video and voice capabilities
- Multi location set up
- High Definition Quality
- Up to 6 parties interactive conferencing

Benefits

- Massive savings on travelling and living expenses
- Maximise meeting time
- Real Time Communication

Tariff Charges

1. Point to Point conferencing – K900 per hour
2. Point to 2 party conferencing – K1,200.00
3. Point to multi-point conferencing – K1,500.00

For more information call 24/7 Customer Care on 3456789



Call 24/7 Customer Care on 345 6789

Is Nu Briten pipel agensim maining aninit long solwara

Michael Novingu i raitim

SINGAUT i go long Praim Minista, Peter O'Neill, na namba tu bilong em, Leo Dion, long stopim wok maining aninit long solwara bilong Is Nu Briten Provins.

Memba bilong Gesel, Malakai Tabar, i mekim dispela toktok las wik long tupela lidaman long tingting pastaim na givim tok orait long wok maining i go het.

Rispektim ol pablik holide

Michael Novingu i raitim

Singaut i go long ol bisnis kamapani i wok long Kokopo long Is Nu Briten Provins na Papua Niugini long rispektim ol pablik holide na noken wok long en.

Bosman bilong Maravut Sekyuriti Sevis kampani long Kokopo, Joseph Penang, i tok sampela kampani long Kokopo i no rispektim Kavanen o tok promis de PNG gavman i sainim wantaim God bilong Israel, na ol i prinim long Geset o gavman pepa olsem pablik holide.

Mista Penang i tok ol manmeri i kam long kantri olsem ol Esia lain i opim ol stoa bilong ol long wok bisnis long pablik holide i no stret.

Moa yet, em i tok ol lain Esia i kam long kantri bilong mipela na mekim planti mani i mas rispektim ol loa bilong kantri bilong mipela.

Em i tok, ol lain Esia i mekim ol woklain bilong ol olsem ol kalabus manmeri.

Moa yet, em i tok ol i mas givim ol holide o malolo long ol woklain bilong long ol pablik holide i kamap long provins na kantri bilong mipela.

Mista Penang i singaut i go long gavman long mekim wok panimaut i go insait long ol Esia lain i kam long kantri bilong mipela, na wokim ol wok bisnis we ol manmeri bilong Papua Niugini yet i ken mekim.

Moa yet, em tok gavman i mas givim moa pawa long ol polis long holim pasim na sasim ol Esia lain i kam insait nating long kantri bilong mipela wantaim nogat gutpela tok orait, na wokim ol bisnis we ol manmeri bilong dispela kantri yet i ken mekim.

Mista Penang i tok tu olsem ol Esia manmeri i kam long kantri olsem ol menesa o bosman tasol ol wokim wok olsem kesia, o sindaun long til na ol manmeri i kam peim kaikai long ol.

Moa yet, em i tok dispela kain wok ol manmeri bilong PNG i ken mekim.

Tabar i tok gavman i mas harim singaut bilong ol pipel na stopim wok maining aninit long solwara bilong ol i noken go het.

Em i tok ol pipel i no laikim wok i go het bilong Solwara Wan Projek long dispela kantri.

Moa yet, em i tok ol pipel long narapela kantri tu i sapotim pipel bilong PNG long wok maining aninit long solwara bilong mipela i noken go het.

Steamships luksave long wok bilong PNG Salvesen Ami

Aja Alex Potabe i raitim

PNG Salvesen Ami em i wanpela sios bilong helpim ol turangu manmeri insait long PNG.

Dispela sios i save lukautim ol pikinini i nogat papamama, helpim ol setelmen pikinini, surukim gutpela edukesen na helt i go long ol longwe ples, skulim ol manmeri long rit na rait, na helpim ol manmeri long taim bilong ol bikipela birua o disasta.

Long larim ol i mekim moa long ol dispela kain gutpela wok long kantri, Steamships Trading Kampani, i givim K100, 000 long Salvesen Ami las wik Fonde taim ol i mekim Red Sil Apil long Ela Beach Hotel, Mosbi.

Gavana-Jeneral bilong PNG, Gren Sif Sir Michael Ogio, husat i petron o olsem papa bilong dispela Red Sil Apil, i tok em i amamas long lukim ol dispela gutpela wok bilong Salvesen Ami long PNG.

"Pinis long las yia na dispela yia tasol yumi lukim kainkain hevi na birua i kamap long kantri bilong yumi. Bihain long Airlines PNG balus i painim birua long Madang, bikipela graun bruk i bin kilim moa long 28 manmeri long Tumbi long Hela, na MV



Komisina Kalai i toktok wantaim Gren Sif Sir Michael Ogio taim Ledi Esmi i harim i stap. Poto: Aja Alex Potabe

Rabaul Queen tu i bin painim solwara birua na kapsait long solwara bilong Morobe.

"Salvesen Ami i gat han mak long dispela olgeta hevi. Ol i stap redi pinis long helpim ol manmeri husat i kisim bagarap. Mi amamas long tokaut long ol dispela gutpela pasin ol i save mekim taim gavman i save nidim i save nidim helpim long dispela kain taim nogut," Gren Sif Ogio i tok.

Em i tok Salvesen Ami i wok

long helpim gavman taim em i givim gutpela edukesen long ol skul pikinini, givim fri marasin na givim ol arapela haus sik sevis i go long ol liklik manmeri, helpim ol turangu manmeri husat i nogat haus na kaikai, na mekim planti ol arapela gutpela samting long senisim laip bilong ol manmeri long bodi na spirit wantaim.

"Nau mi amamas olsem Salvesen Ami i go aut long helpim ol yangpela meri, husat sampela ol man i wok

long bagarapim ol long mekim pasin pamuk. Salvesen Ami i go aut long ol dispela kain pikinini meri, na ol mama husat i nogat man, na i wok long helpim ol dispela kain turangu manmeri. Teritorial Komanda bilong PNG na Solomon Ailan, Komisina Andrew Kalai, i tok tenkyu long Gavana Jeneral Sir Michael Ogio, na ol arapela maus manmeri i kam liong ol bisnis haus husat i save sapotim dispela ol gutpela wok bilong ami.

i kam long fran pes

Mosbi siti em i wok long senis isi-isi

Parkop i tok NCDC i stap long mekim ol gutpela wok olsem mekim haus, stretim ol rot, planim ol plawa na klinim siti, na wokbung wantaim polis long ol arapela pasin nogut bilong bagarapim gutpela nem bilong yumi.

"Dispela siti bilong yumi i wok long groa. Long yia 2015, bai yumi holim 2015 Pasifik Gems long Mosbi. I no olsem pastaim tasol nau planti ol gutpela samting i wok long kamap long ki-

rapim level na stendet bilong dispela siti," Parkop i tok.

Em i strongim tingting bilong ol investa na bisnis manmeri olsem NCDC em i stap redi tasol long kamapim gutpela fil long larim ol i pilai gem bilong mekim bisnis gut tru long dispela fil.

"Yupela mas bilip strong long inves long hia. Ikonomi bilong PNG em i groa na Mosbi em i namba wan siti bilong PNG," Parkop i tok.



BARAMANDI BILONG WANAPA...Sapos yu stap nating, bai yu laik long stilim ol samting, mekim raskol na poket pik pasin, smukim mariwana, dring stim na kopi pans, na repim ol meri. Sapos yu nogat wok long Mosbi siti, orait go bek long ples bilong yu na planim kaikai, painim ol bus kaikai na apus, go hukum pis long wara o statim liklik bisnis. Papa God bai blesim yu long wanem liklik samting yu mekim long stretpela we, na long hatwok bilong yu yet. Poto i soim (L-R) Hanua Nelson, Tau Hanua, na Ginata leviri i kam salim long Ela Beach Hotel 5-pela bikipela Baramandi pis ol i putim net na kisim long Wanapa Wara long Gorohu viles, Sentral Provins. Dispela em i namba wan taim ol i kam salim pis long Hotel ya, na ol i tok mani mak bilong dispela ol Baramandi ya bai K15 long 1 kilogram. Poto na Stori: Aja Alex Potabe

Micah wanbel long Singapore pablik entaprais model

MINISTA bilong Pablik Entaprais na Stet Invesmen, Ben Micah, i tingting long lukluk na bihainim ol we na rot Singapore i save bihainim long menesim ol stet-on entaprais o bisnis haus bilon gavman, na em i tingting long larim PNG tu bihainim ol dispela wankain rot long menesim ol stet-on entaprais.

Moa long 9-pela yia, ol pablik entaprais o stet-on entaprais long PNG i no bin mekim gut winmani. Ol dispela haus bisnis bilong gavman husat i no save mekim gut ol winmani em ol PNG Pawa, Telikom PNG, Air Niugini, PNG Ports, Moto Vikol Insurens, na ol arapela han bilong ol dispela bisnis.

Planti bilong ol i bin bagarap bikos politiks i bin i go insait long bisnis. Sapos politiks i no bin go insait long bisnis sistem bilong Pablik Entaprais, ol dispela kampani inap long mekim winmani, we gavman i ken yusim ol dispela winmani long bringim sevis i go daun long ol pipel long kirapim dispela kantri.

Micah i tok; "I gat sampela samting PNG i mas lainim na bihainim long sistem bilong Singapore. Mi laik lukluk i go insait klostu tru long olsem wanem Singapore i save lukautim na menesim ol pablik entaprais na stet invesmen bilong en."

Micah i go lukluk raun long Singapore, we em i bin bungim Tharman Shanmugaratnam, husat i Deputi Praim Minista na Fainens Minista bilong Singapore, long toktok long skelim model bilong pablik entaprais bilong ol.

Nau dispela model ol i yusim i bin kamap long yia 2002. Tasol long moa long

10-pela yia olgeta, dispela model i no bin wok gut long kantri.

Taim em i no bin wok gut, planti ol gavman sevis i bin pundaun bikos winmani ol i mekim long ol dispela gavman haus bisnis i save kirapim sevis, tasol insait long dispela 10-pela yia ol i no bin mekim wanpela winmani.

Ol pablik entaprais i wok long kisim mani i kam long gavman bikos klostu planti bilong ol dispela stet-on entaprais o pablik kampani i klostu pundaun bikos ol i no bin gat inap mani long ron gut olse ol arapela bisnis.

Tasol em i kampani bilong gavman, na gavman yet i bin givim bikpela helpim long kirapim gen.

"Olsem na mi painim ol nupela rot gen long stretim ol we long menesim gut ol pablik entaprais na ol invesmen bilong gavman bilong yumi. Sapos yumi no mekim wanpela samting, orait nogat wanpela samting tu bai kamap long stretim gen ol dispela bisnis," em i tok.

Micah i tok em i intres long lukluk i go insait na skelim straksa na opereting proses bilong wanpela pablik invesmen kampani bilong Singapore Gavman, Temasek Holdings.

Em i tok kain poroman namel long Temasek, Soveren Welt Fan (SWF) Singapore Invesmen Koporesen Pte Ltd, Sentral Bank, na Monetori Atoriti ov Singapore, i gat sampela gutpela samting we PNG i ken bihainim.

Micah bai holim moa miting na bung wantaim Temasek, Singapore Invesmen Koporesen Pte Ltd na Monetori Atoriti ov Singapore.

WANT TO BE THE NEXT ONE



603 WINNERS SHARE IN K300,000 SO FAR!

You could be the next Winner!

Share in PNG's Biggest EVER Cash Prize Giveaway of

K1,600,000!

1 Grand Prize winner of K1,000,000

drawn in December, 2012

Simply complete eligible transactions with your BSP Card at any BSP ATM, BSP EFTPoS Device or via BSP Mobile Banking and you will go into the draw



Find Us On:



www.bsp.com.pg

Refer to our website for full Terms & Conditions.

Niupela

Maggi

MagicTeist

Wanpela kain kuing pauda

Bai givim
BEST teist
long
kainkain kuk

Nesenel Mambu na Garamut Festival kisim K20,000 helpim

Paul Fuzo i raitim

IS Sepik Provinsel Gavman i givim sek mani mak bilong K20,000 long helpim na holim namba 11 Nesenel Mambu na Garamut Festival (NMGF) i kamap long wiken long Wewak so graun. NMGF i wanpela long ol bikipela festival long Is Sepik Provins i save kamap long olgeta mun Septemba, na i save soim kalsa bilong mambu musik na garamut bilong Is Sepik sosaiti. Siaman bilong Spot, Kalsa na Turisim long Is Sepik

Provinsel Gavman, David Kausik, i bin givim K20,000 sek mani i go long MGF Ogenaising Komiti Siaman, William Tekwei, insait long wanpela liklik bung wantaim ol komiti memba, ol lida bilong ol kalsa grup na sinia advisa bilong Spot, Kalsa na Turisim, Anton Sakarai. Taim em i givim dispela sek mani, Mista Kausik i tok-tok strong long provinsel gavman i mas putim moa wok long soim kalsa bilong em. Em i tok NMGF i gat bikipela mining long laip bilong ol pipel bilong Is Sepik. Na dispela festival em i gut-

pela long pipel i mas soim, na long wankain taim, lukautim na lainim ol yangpela long pasin kalsa na tum-buna. Em i tok gavman fanding wantaim K20,000 i no inap long holim na ranim dispela kain bikipela nesenel festival, tasol em i askim ol ogenaising komiti long yusim gut dispela liklik mani. Em i tok moa olsem em bai pusim bast bilong neks yia long lukim olsem Is Sepik provinsel gavman i putim moa mani i go insait long helpim NMGF insait long provins. Siaman Tekwei i givim

bikipela tok tenkyu na amamas i go long Is Sepik Provinsel gavman long sapot bilong ol wantaim K20,000 we em i tok i no inap, tasol em bai yusim gut long ronim na pinisim dispela festival. Em i tok dispela yia festival i liklik wantaim 10-pela grup insait long Is Sepik provins, wanpela grup bilong Sandaun na wanpela grup i kam long Rabaul we Nesenel Kalserel Komisen i kisim i kam. Mista Tekwei i tok wantaim liklik fanding, komiti bilong em i gat bikipela salens tru long lukautim gut dispela

bikipela nesenel festival bilong provins. Em i tok em bai traim kisim ol praivet sekta long kam insait tu na sapotim dispela festival bilong wanem, kainkain pipel bilong Is Sepik bai bung na dispela em i gutpela rot bilong ol praivet sekta i ken soim ol yet long ol wanem, kain ol sevis na helpim ol i save givim na putim i kam insait long provins. Mista Tekwei i singaut long ol memba bilong palamen insait long Is Sepik Provins long sapotim dispela festival bilong wanem ol pipel we ol i makim, em ol

i hap bilong dispela festival na kalsa bilong ol. Em i tok moa olsem sapos memba bilong Milen Be inap givim K100,000 i go long nesenel Kundu na Kanu Festival las yia, bilong wanem na ol memba bilong ol long Is Sepik i no inap wokim wankain. Em i tok komiti bilong em bai wokim wanpela proposel na bai pusim i go long Is Sepik provinsel gavman long bihain taim fanding bilong NMGF na wanem rot dispela festival bai inap lukautim em yet, na i noken askim tumas gavman long mani.

Roku Prameri Skul kisim K10, 000 long InterOil

Aja Alex Potabe i raitim

EDUKESAN em i wanpela namba wan samting long laip bilong manmeri bikos em i save senisim laip na kirapim ples. Sapos wanpela man o meri i go skul na kisim save, em i bai gat gutpela sindaun long komyuniti, na em i ken mekim sampela kain gutpela samting long kirapim ples o kantri bilong em. InterOil, wanpela biknem kampani we bai ronim dispela namba tu Galp LNG Projek, i luksave olsem edukesen em i namba wan samting long laip bilong manmeri long ol komyuniti we ol i wok lon en. Wantaim dispela luksave, InterOil i givim K10, 000 long Roku Prameri Skul. Dispela

skul em i wanpela olupela skul long Roku viles, ausait long Mosbi siti. Roku em stap aninit long Kairuku-Hiri ilektoret, Sentral Provins na em i stap klostu long Napanapa Refaineri bilong InterOil. "InterOil i amamas long luksave long edukesen bilong ol pikinini long kain ol ples we mipela i wok long en. InterOil Refaineri long Napanapa i amamas long givim bek long komyuniti long kirapim edukesen level bilong ol dispela yangpela sumatin, husat bai kamap gutpela manmeri long bihain taim," George Willie, wanpela sinia akautan bilong InterOil i tokim ol tisa, papamama, ol sumatin na lokol komyuniti taim em i givim dispela mani. Aninit long Komyuniti Asis-

tans Developmen Progre (CADP) bilong InterOil, ol lokol komyuniti long Galp Provins na Sentral Provins i save kisim ol helpim i kam long InterOil. Ol dispela helpim i save karamapim helt, edukesen, imejensi, sios, mama na meri grup, na planti ol arapela eria tu. Het tisa bilong Roku Prameri Skul, Willie Kopilio, wantaim olgeta 6-pela tisa na 180 sumatin, na ol papamama bilong Roku i bin amamas nogut tru long lukim dispela bikipela helpim. "Mipela i save bilip long liklik tenis bikos em i ken kamapim bikipela tenis. Mipela i amamas na tok tenkyu long InterOil long dispela sapot. Mani ya bai go long mekim banis bilong skul," Kopilio i tok.

Em i tok ol skul pikinini i save kisim taim long skul gut na kisim gutpela save bikos dispela olupela skul i nogat gutpela desk, sia na tebol, ol teks buk, ol laibri samting, wara saplai, na 6-pela klasrum tasol stap ya i deti nogut tru bikos em ol olupela klasrum stret. Maski dispela skul i stap klostu long Mosbi siti, wanpela bikipela wari ol i gat em i wara. Kopilio i tok skul i save baim haiarim kar long kisim wara i kam long Roku. Ol i save baim wara long K300. Dispela em i wanpela sori samting. Dispela ples i gat liklik manmeri na ol i stap baksait tru long Napanapa. Olsem na Memba bilong Kairuku-Hiri, Paru Aihi, i mas luksave long ol dispela manmeri.

Gavman bai stretim hai wara birua long SHP

SIF Sekreteri bilong Gavman, Manasupe Zurenuoc, i kisim pinis situesen ripot i kam long Dipatmen ov Woks long olsem wanem bikipela hevi ren na hai wara i bin bagarapim ol rot na bris long Sauten Hailans las wik Fonde. Sauten Hailans i bin lukim bikipela ren long laspela tupela wik, na dispela i lukim moa bagarap i kamap long Kagua-Erave, na lalibu-Pangia distrik. Long las wik Fonde, hevi ren na hai wara i bagarapim Kandal, Pale, Yalo, Warabung na Mapel bris. Longpela bilong Yalo Bris em i 40 mita na em i joinim Kagua-Erave Iektoret i go aut long Hailans Haiwe. Dispela hevi ren na hai wara i wasim dispela bris i go pinis, na ol pipel bilong Kagua-Erave i stap ausait long wara. "Sapos gavman i no luksave long stretim gen dispela bris, olgeta besik gavman sevis i go long Kagua-Erave bai pas, na ol pipel bai kisim taim," Zurenuoc i tok. Em i tok tu olsem sampela graun bruk i bin kamap long Hailans Haiwe tasol ol wokman bilong Woks i kliarim

dispela pinis na ol kar na manmeri i wok long ron nomol. Zurenuoc i tok totol mani mak long stretim gen na kirapim ol dispela bris wara i bin wasim na bagarapim em i K15.1 milian. "Dipatmen ov Woks i tok long stretim Kagua-Mendi rot hariap long larim ol pipel i kisim sevis. Na long stretim gen dispela Kagua-Mendi rot bai kamap long mani mak K3 milian," em i tok. Zurenuoc i tok Woks Dipatmen i wok long painim mani long gaman long stretim ol dispela samting, na i luk olsem Ektong Praim Minista, Leo Dionbai holim wanpela spesol kabinet miting long kisim ol dispela mai long stretim samting. Zurenuoc i tok tu olsem dispela hevi ren long kamapim hai wara na graun bruk tu long arapela hap long provins olsem Poroma, Pimaga na Gobe. Em i tok ol disasta rilif tim long Sauten Hailans Provinsal Distasta Senta i stap long ol dispela hap we birua i kam p long en, long sekim na wanem samting i kamap pastaim long ol rilif saplai bai kam.



K10, 000 BILONG ROKU...(L-R) Roku Prameri Skul het tisa, Willie Kopilio, InterOil Koporet Komyunikesens Opisa, Damaris Minikula, bot siaman Homoka Goasa, na George Willy i soim dispela K10, 000 dami sek InterOil i givim long Roku Prameri Skul long stretim banis bilong skul. Foto: Aja Alex Potabe



Manasupe Zurenuoc

PNG nius lain mas mekim moa wok painimaut ...pastaim ripota givim tingting

James Kila i raitim

OL BIKPELA wok painimaut long ol lida husat i paulim mani bilong ol projek long rurel eria long Papua Niugini i mas kamap.

Na salens nau i stap long ol nius ripota long suvim het na traim kisim moa infomesen na ripotim na soim ples-kia ol dispela stilman.

Em wok bilong ol nius ripota tu long mekim wok painimaut o mekim 'investigative reporting' long kisim ol infomesen na givim long ol atoriti long surikim wok painimaut i go moa.

Tru tumas, tude mi no save lukim planti ol 'investigativ ripot' ol nius lain i mekim na mi save tingting planti.

Olsem wanpela nius-ripota long menstrim midia pastaim, na nau mi stap long Pablik Rilesens, mi save askim tasol olsem: "i gat wok ol nius-lain i ken mekim long painimaut asua o rong bilong gavman na ol lida o nogat?"

Mi bin amamas stret long wok wantaim wanpela nambawan niuspepa long Saut Pasifik bipo, ol i kolim 'The Times of PNG' we i karimaut planti ol bikpela wok painimaut i go insait long wok bilong ol palamen lida na tu ol bikpela inkwairi. Long taim mi bin stat wok yet olsem kadet ripota, mipela ol wanwok long dispela taim em Bernard Maladina, Harlyne Joku, Ruth Waram, Dominic Kakas (nau bos bilong polis midia), Joe Kanekane (nau Dairekta bilong Lo na Jastis Sekta Sekretariat). Narapela wan wok bilong mi long bipo em nau Membra bilong Lae Open na Minista bilong Komyuniti Developmen, Loujaya Toni.

Maski olsem mi wanpela fres greduet o yangpela ripota husat i pinis long yunivesiti long DWU, ol famili bilong mipela nius lain long *The Times* i save wok bung gut tru. Susa niuspepa bilong *The Times* em *Wantok Niuspepa*, na arapela em *PNG Business* na *Weekend Sports*.

Sore tru, dispela ol pepa mi kolim nau i no moa stap. *Wantok Niuspepa* tasol nau i karim fleg bilong Word Publishing Kampani.

Wanpela fada o biknem man nau i stap yet long *Wantok Niuspepa* em katunist/atis Jada Wilson. Dispela resa-papa bilong Rigo long Sentral provins, tasol i save ekting olsem em bilong Maprik long Is Sepik provins i gat stail na kala bilong em yet we planti arapela atis long PNG na ovasis i no inap bihainim.

Long dispela taim mi tingim ol edita bilong mipela olsem Anna Solomon na tu pruv-rida olsem Paul Cox, husat i save givim



Sindaun wetim balus long Daru Ailan ples-balus long go olsem long Balimo.



Kisim ripot antap long wanpela raff (bet) we i karim gaden kaikai na buai na i trip bihainim Biwat Riva i go join wantaim Sepik Riva.

Kisim stori bilong Kwinslen Maroon pilaia Neville Costigan.



mipela ol tips na tu mekim mipela long mekim wok moa long painim ol strongpela stori we i ken mekim ol lida bilong palamen i pret na tu guria wantaim.

Mi ken tokaut stret olsem nau yet long PNG, nogat ol bikpela wok painimaut (investigation) i kamap bikos ol nius lain i tokaut long wanpela tip o stori na ol lain atoriti i bihainim.

Planti long ol mipela i lusim menstrim midia na go wok nau long ol pablik rilesens wok long ol

bikpela kampani nabaut bikos, wanpela samting tu em ol midia ogenaissen

Mi amamas tru long laiptaim bilong mi olsem wanpela nius ripota, na mi krugutim ating olgeta ples insait long PNG, stat long PNG-Indonesia boda long Vaimo long Sandaun provins i go long Daru long Westen provins boda. Mi bin wok raun tu i go long wanpela liklik ailain long Sotlan we i boda wantaim Solomon Ailans.

Ovasis raun bilong mi i bringim mi go skul long Cardiff, Wales Yunaited Kingdom (UK), Japan, Australia, na mi gat sans tu long raun long Hong Kong, Filipins, Singapo, Solomon Ailans na Ripablik ov Palau long Pasifik.

Em tru wok olsem nius-ripota (journalist) i ken bringim yu long planti ples insait long wol. Tasol wanem gutpela lesen yu lainim moabeta yu bringim kam bek na soim o skulim ol yangpela ripota i kam bihain long yu.

Wok olsem nius-ripota i ken bringim yu i go klostu tru long ol bikpela man o lida olsem Paimin Minista, Presiden o King na Kwin.

Long taim mi stap olsem niuspepa ripota long Time of PNG, mi bin gat sans long mekim intaviu o toktok wantaim sampela ol wol musik-man taim dispela ol lain i bin kam krungutim PNG. Long dispela taim mi save kisim ol ripot bilong musik pes bilong Time of PNG niuspepa, na mi save wok klostu wantaim ol studio olsem Chin H Meen, Pacific Gold na ol narapela liklik studio.

Gutpela memori bilong mi i stap yet taim mi bin toktok wantaim leit Lucky Dube, taim em wantaim ben bilong em i kam pilai long Lloyd Robson oval long Mosbi. Ating planti ol kamera-man na ol niuslain long dispela taim bai i tingim stret, mi askim dispela strongpela kwesten long Lucky Dube olsem: "Lucky, yu save smuk mariwana o nogat?.... Mi askim bikos planti ol yut o yangpela man long PNG i save laikim tru musik blong yu na save ting olsem yu man bilong smuk mariwana stret". Turangu, Lucky Dube i lap i tokim mipela olgeta lain i stap olsem, em i no save smuk mariwara. Em wanpela vegetarian, na em i no save kaikai mit.

Mi amamas tu long intaviu wantaim Maxi Priest, Jimmy Barnes na Yothu Yindi, James Blundell na Peter Gabriel, husat em pastaim lida bilong grup Genesis bilong Inglen.

Olgeta stori mi mekim pinis i no long soim olsem mi laik apim nem bilong mi yet o kain samting olsem. Nogat. Mi laik opim tingting bilong ol yangpela nius-ripota husat nau tasol i pinisim skul long DWU na UPNG long luksave long wanem wok tru na mining bilong wok olsem nius-ripota (journalist).

Wok nius-ripota em yu mas stap olsem ai, yau na nus bilong ol pablik manmeri. Ol nius ripota i mas redim gut ol kwesten bilong ol taim ol i laik askim wanem ol lain i kam. Maski long askim ol kwesten we man yu askim em bai tromoi kambek long yu na bai yu filim sem.

Yes, nau mi stap long pablik rilesins, mi save tingim sore gen long taim bipo, we wok bilong kisim nius long Mosbi siti na PNG i save kam wantaim gutpela amamas, kala na stail bilong em yet.

Wok nau i stap long ol yangpela nius-man meri long traim soim gutpela kala bilong dispela profesin em nius-ripota o jenelist.

Save stap long yupela. Mi tromoi tok tasol, gutpela yupela holim stap, na nogut, yupela i ken wasim i go.

Trupela Pablik Sevan i Ritaia



Kisim na tingim: Billy Irukvu kisim gol kilok bilong em long an bilong Komisina Andrew. S. Trawen long gut bai pati bilong em.



Billy soim presen bilong em wantaim wok meri bilong em.

WANTOK Niuspela i stori long wanpela pablik sevan husat i wok long gavman longpela taim na dispela yia em ritaia bihain long 28 yia olgeta. Nicky Bernard bilong Wantok Niuspepa i painim em na stori liklik wantaim em.

Mama i karim Billy Irukvu, long Ogas 7 1952. Em bilong liklik ples long Moveave long Kerema Galp Provins.

Billy o sampela taim ol save i kolim em B.I. i bin pinisim skul bilong em long liklik ples bilong em na bihain em go long Kerema Hai Skul.

Long dispela taim, Billy i pinisim Hai Skul bilong em, em bin kisim sampela liklik trening na bihain em statim wok bilong em long gavman long 1970. Nambawan em long dipatmen bilong Helt olsem kuskus (staff klak) bilong ol.

Em i lusim wok liklik na bihain long 1977, em i kisim sem wok long sem dipatmen. Em wok long sampela yia na bihain em muv i go long narapela gavman dipatmen. Dispela em Pabik Sevis Komisina long yia 1983. Em wok wanpela yia tasol na bihain em muv gen go long narapela gavman dipatmen.

Billy Da Kid, em wanpela stail man stret. Olgeta gavman dipatmen i save long dispela man Moveave gut tru. Em go joinim dipatmen bilong Praim Minista long 1984, bihain tasol wantaim Pablik Sevis Komisina.

Billy bin kisim liklik malolo na raun go long ples bilong em, na bihain em kam bek long Mosbi na kisim wok wantaim Ilektral Komisina long 1987. Dispela taim Billy Da Kid o B.I. i no tanim bek. Em i putim lek bilong em go daun na holim dispela wok wantaim Ilektral Komisina inap em yet tok em mas pinis.

Dispela stail mangi Moveave kisim i promosen klostu klostu. Wanpela taim em kamap ekting Ilektral Komisina. Dispela mekim Billy gat bilip long wok bilong em. Nambawan promosen bilong em,

em kamap Pesenel Opisa Ilekta long yia 1988. Long 1989 Komisina i promotim em gen kamap Staff Developmen Opisa. Bihain long wanpela yia ol makim em kamap Intenel Odita. Dispela posisen em bin holim klostu 2-pela yia olgeta long 1990 na 1991.

Billy i kisim wanpela promosen gen long 1993. Dispela taim em i kamap Ekting Assiten Komisina Fainens Administresen.

Long 1994 Komisina i makim em kamap Ekting Prinsipel Odit Inspekta. Dispela ekting i no stap long em longpela taim. Komisina i rausim dispela ekting na givim dispela posisen long em na em holim inap dispela yia em taim bilong em long ritaia.

Billy i mekim bikpela wok long sampela gavman dipatmen taim em wok long en. Planti manmeri husat i bin wok wantaim Billy long gutpela de bilong ol bai save Billy em wanem kain man.

Billy i kisim planti ol yangpela manmeri husat i wok aninit long em i go skul. Planti em kisim ol i go long Australia na stap wantaim ol long skul. Olgeta hap skul long Australia tu save long Billy Da Kid.

Dispela mangi Moveave i wok aninit na tu lukim 3-pela komisina olgeta, namba 3 em Andrew Trawen, na tupela pastaim komisina.

Planti manmeri long Ilektral Opisa save laikim pasin bilong Billy. Em i no save haitim save bilong em. Ol manmeri save wok wantaim save lainim i gut tru ol samting long en. Em i save kisim em yet kam daun tru long levul bilong ol, na dispela pasin bilong em i brukim lewa bilong ol manmeri. Ilektral Komisina.

Billy Irukovui marit na gat 3-pela pikinini,. Em i stap wantaim Ilektral Komisina long 24 yia olgeta na ol narapela gavman dipatmen klostu 6-pela yia.

Trupela man, Billy Da Kit, I.B. Ova man. Taim bilong malolo gut.



Wantok

NIUSPEPA BILONG YUMI OL PNG STRET!

Subscribe for your WANTOK Niuspepa now!!

All you have to do is fill in the form below and arrange for payment and we will dispatch your copy of the **WANTOK** to you each week. We publish the **WANTOK** 52 times a year.

AIRMAIL SUBSCRIPTION RATES (includes postage & handling)
 PNG K220.00, Australia/New Zealand US\$110.00, Asia/Pacific US\$150.00
 Rest of the World US\$210.00

NCD HOME DELIVERY
 K80.00 per copy or K65.00 for two or more copies. Office pickup K52.00 per year for a copy.

Please send me.....copy/copies of WANTOK for one year.

I enclose Kina/USD..... as full payment.

Name.....

Postal Address.....

City.....

State/Province.....(abbreviation)

Country..... Zip/Postal Code.....

Street Address.....

Telephone..... Fax.....

Email.....

Signed..... Date.....

Address: Subscriptions
 Word Publishing Company Ltd
 PO BOX 1982
 Boroko, NCD 111
 Papua New Guinea

Attn: Luke MEK (Circulation & Distribution)



GRUP FOTO: Ol meri kosa bilong Esia rijen na tupela obseva bilong Nu Silan na PNG na ol opisel husat i bin stap long trening woksop long Japan long las mun. **Poto: Frederica Siwin-Sakete**



TUPELA BESTI: Tupela poromeri, Freddie na Miwako, i kaikai i stap long Tokyo. **Poto: Frederica Siwin-Sakete**

Soka i kisim Frederica i go antap

... Gat nem long FIFA na OFC

Veronica Hatutasi i raitim

OL MERI long PNG i wok long kamap nau na mekim ol wok we long pastaim, ol man tasol i save

mekim.

Spots pilai em i wanpela eria we ol man i holim ol wok edministresen, kosa na ol kain bikpela wok olsem.

Tasol i gat sampela meri husat i

gat nem long spots long nesenel na intanesenel level na nogat planti long kantri i save long wok ol i mekim, bikos ol i save stap isi na mekim wok.

Wanpela long ol em, Frederica

Siwin Sakete. Frederica o long sotim nem, ol savelain na pren i save kolim em "Freddy", i gat nem long soka hia long PNG na ovasis, wantaim Oseania Futbol Konfederesen (OFC) kwalifaia na FIFA o biknem long wol i lukautim futbol.

Stat yet long yangpela bilong em, Frederica i save pilai soka na em i bin kamap wanpela nesenel representativ i save stap long PNG tim i makim kantri long pilai ovasis long ol kantri olsem Nu Silan, Australia, Fiji na tu, long ol nesenel sempionsip insait long PNG yet.

Freddy i bin stat long pilai na makim PNG long 1991 inap long yia 2003 taim em bin ritaia. Dispela em bihain long pilai las taim long Saut Pasifik Gems long Fiji long Oseania Futbol Konfederesen (OFC) kwalifaia.

Long 2008, Freddy i bin soim intres long kamap kosa na em i stat long kosim PNG Anda 17 Gels Nesenel Tim.

Long 2010, em bin kamap Asisten Kosa bilong ol PNG Anda 17 Gels.

Long dispela yia, 2012, em bin kamap Het Kosa long Anda 17 Wimens Tim.

Olsem kosa, em i save go stap long ol kosa trening na woksop long Nu Silan wantaim sapot bilong PNG Futbol Asosiesen, OFC na FIFA.

Long las mun tasol, Freddie i bin go stap insait long tupela wik Elit FIFA Kosing Wimens woksop bilong Esia rijen long Japan olsem ges i makim OFC wantaim narapela meri kosa bilong Nu Silan.

Na long neks wik, Freddie bai go long kantri Azerbaijan long Isten Yurop we pastaim i bin hap bilong Soviet o Rasia Ripablik. Em go olsem memba bilong FIFA Teknikel Stadi Grup long glasim

Anda 17 Wimen Wol Kap ol i holim long Azerbaijan.

Freddie i laik tok strong long ol narapela meri kosa na moa yet, ol dispela wantaim laisens long wok bung wantaim long developim koud long 4-pela rijen bilong yumi, na kamapim ol top pilaia long nesenel yut na sinia tim.

Tu, em i autim bikpela tok tenkyu i go long kampani em i wok long em, Word Publishing, long givim em

sapot taim em bin soka pilaia i kam inap long kosa level nau. Na tu, famili na man bilong em, Tim long luksave na sapot ol i givim.

"Long bihain taim bilong mi, mi laik kisim A laisens long kosing na developim wimen's futbol long PNG i go long neks level," Freddie i tok.

Long raun bilong em i go long Elit FIFA Kosing Wimens woksop bilong Esia rijen long Japan, Freddie i tok maski em i namba wan taim bilong em long go long hap, em i amamas long lukim kantri na pipel husat em i tok ol i gutpela, lain bilong mekim pren na rispek i bikpela samting long ol.

"Ol pipel long Japan i naispela na lain bilong mekim poroman. Maski, tokples i wanpela hevi, dispela i no kamapim wari long wanem, ol pipel i naispela na ol i gat gutpela pasin bilong rispek long ol narapela pipel. Rispek i bikpela samting long ol," Freddie i tok.

Freddie i bin amamas tu long bungim wanpela poromeri Japan bilong em na ol i hatim Tok Pisin long hap we i mekim ol (Japan) i kirap nogut na lukluk strong long ol.

"Pren bilong mi, Miwako Wakizaka, i wok long Yunivesiti bilong Kyoto. Em bin kisim tripela awa wokabout long tren (train) na kam lukim mi long hap mipela i stap long en long Tokyo. Mipela i amamas nogut tru long lukim wanpela narapela, tasol em bin stap wantaim mi long tupela awa na bihain, em i kisim tren na go bek.

"Mitupela i hatim Tok Pisin na pipel i kirap nogut na lukluk long mipela," Freddie i tok.

Taim Miwako i bin wanpela yunivesiti sumatin, em bin salim wanpela imeil i kam long Wantok Niuspepa long yia 2005, long kisim moa save long Tok Pisin, na Freddie i bin bekim imeil bilong em, na ol i kamap poroman.

Bikos em i wok long skul na stadim Tok Pisin olsem wanpela sabjek, em bin kam long PNG long yia 2005 na bungim Freddie, na stap wantaim ol long haus bilong ol pastaim em i go mekim wok wantaim narapela lain em bin wok long toktok wantaim ol long Goroka.

Nau yet, tupela Freddie na Miwako i besti poroman yet.

TUPELA EM PLANTI TUMAS!

DAUNIM NAMBA BILONG OL LAIN YU SAVE SILIP RAUN WANTAIM IGO LONG WANPELA

Ol lain yu save silip raun wantaim bai igat ol narapela lain ol save silip raun wantaim tu - Sapos wanpela bilong ol bin igat HIV, yu bai igat bikpela sans long kisim HIV.

Daunim namba bilong ol lain yu save silip raun wantaim igo long wanpela tasol, emi nambawan rot long

BANISIM WANEM SAMTING YU LAIKIM STRET.

Learn more at: www.facebook.com/protectwhatyoulovepng

Australian AID

fhi360



**Yut, Meri na Famili
wantaim
Lorraine
Siraba**

Ol priskul i trening graun bilong ol praimer skul

LONG las wik, mi bin gat sans long bungim ol papa-mama bilong Koki Priskul i stap insait long Wanigela komyuniti long Nesenel Kapitel Distrik. Komyuniti yet i bin kirapim dispela priskul na ol liklik pikinini inap go na lainim taim ol i liklik yet. Planti papamama i amamas long eli lening o, skul bilong ol liklik pikinini we ol pikinini bilong ol i lainim planti samting, na taim ol i go long praimer skul, ol i save na klia long planti samting olsem lidasip, save long rit na moa.

Wanpela mama i bin tokaut amamas lon g pikinini bilong em i wokim Gret 3 na i save go pas long givim rili-jes instraksen long klas na tu, long famili bilong em. Dispela em bikos long eli lainim skul em bin go long en.

Wanwan papamama i bin tok olsem eli lainim skul i helpim gut stret ol pikinini bilong ol long save, gutpela pasin, rit na rait na moa.

Ol gutpela samting we eli lainim skul i kamapim na i kamap long ples klia i mas mekim gavman i sapotim dispela sekta. Wanpela volandia priskul tisa i tok em i lukim long ai stret bilong em ol pikinini i go long ol priskul bilong em i save kamap namba wan, tu na tri taim ol i go long ol praimer skul.

Ol gutpela stori bilong ol papamama i hatwok long putim ol pikinini bilong ol long priskul i soim gutpela samting we em i mekim na sapos gavman i laik inapim Visen 2050 bilong heltu welti na savelain, i moabeta long em i sapotim ol priskul long dispela kantri. i kam inap nau, i gat ol komyuniti, sios na praivet priskul long kantri husat i no save o, kisim liklik helpim long gavman, tasol ol pikinini i save mekim gut stret. Ol tisa em ol volandia, tasol ol i save stap na skulim gut ol pikinini, maski ol i no kisim pe. Wanpela mama i tok em i save lukim sampela elementeri skul tisa i rait long bod, tokim ol sumatin long kopim ol samting na ol i go ausait long smok o kaikai buai. Ol i save kisim pe long fri mani olgeta potnait long gavman, tasol taim ol i go long Gret 4, ol dispela pikinini i no save gut long rit na rait. Lon g narapela sait, ol Priskul tisa i save stap na helpim ol pikinini we ol lain i no save hariap long lainim long rit na rait, long kamap ol kwaliti manmeri bilong dispela kantri. PNG Edvokesi Netwok (PEAN) i bin karimaut wanpela wok painim i no longpela taim i go pinis long literasi asesmen long 5-pela provins, o long painimaut mak bi-long pipel i save long rit na rait. Em bin painimaut olsem planti pikinini i lusim skul long Gret 8 i no save long rit na rait gut n a dispela em i mas mekim ol papamama i wari. Olsem n a i moabeta long ol polisi meka i rivyuwim edukesen sistem bilong yumi na putim eli edukesen long sistem we gavman bai sapotim tu wantaim fanding.

Wanpela rot em long luksave olsem wok we ol priskul i mekim na sapotim ol wantaim fanding na ol woklain em i bikpela samting. Karimaut risets long dispela i narapela rot. Kantri i mas gat ol pipel i save long rit na rait bikos nau, PNG i wok long gat gutpela ikonomi na i mas gat ol manmeri i gat save long mekim wok na glasim tingting.

Nominesen long Westpek Meri Bisnis Awot luksave resis i kamap

... Nominetim wanpela

ASKIM i go aut long ol memba bilong publik na komyuniti long dispela kantri long nominetim wanpela meri i mekim bikpela wok, i go insait long Wespek Benk Ol Meri long Bisnis resis Awot bilong dispela yia, 2012.

Menesing Dairekta bilong Westpek Benk, Ashleigh Mattherson, i wokim dispela askim na i tok husat man o meri i tingting long nominetim o putim nem bilong wanpela meri insait long komyuniti bilong em we em i lukim olsem em i save mekim bikpela na gutpela wok insait long komyuniti, i mas hariap nau long wanem, ol nominesen i pas long dispela wik.

Dispela em i namba 6 yia Wespek Benk i holim resis we i givim luksave na sapot i go long ol meri PNG long wok ol i mekim.

I gat 5-pela kategori o level we ol i ken nominetim ol meri long en na we ol i kisim luksave long ol.

Em long, praivet sekta eria bai kisim Praiswatahaus Kupas awot, we meri i menesa long praivet na koporet sekta, na i mekim gut wok stret long kampani na bisnis unit bai kisim, Stimsips Publik Sekta Awot we we meri menesa long publik sekta husat i mekim gut wok stret long kontribuit long kisim gavman sevis i go aut long publik.



MIPELA OL PORO YA! Frederica Siwin- Sakete, wanpela PNG Meri Anda 17's PNG Kosa hia wantaim ol sampela poroman meri kosa bilong Japan na ol Esia kantri. Freddie I bin stap long tupela wik Anda 17 Wimens Kosa bilong Esia rijen long Tokyu, Japan. Freddie na narapela meri kosa bilong Nu Silan
Poto: Frederica Siwin-Sakete

PNG SUSTAINABLE DEVELOPMENT PROGRAM LTD

Ebia Olewale: Laip bilong givim sevis

Wanpela ples mangi husat i kamap wanpela long ol namba wan papa bilong kantri! Dispela em i bikpela mak bilong ol wok bilong leit Sir Ebia Olewale. Insait long sampela ol de tasol, bai yumi selebretim 37 krismas bilong Independens. Mi amamas long lukluk bek long wanpela lida husat i givim planti wok tru long sanapim strong Papua Niugini olsem wanpela independent kantri.

Long tingim leit dairekta bilong mipela long PNGSDP, mipela i givim mani long pablisim wanpela buk, nem bilong en Ebia Olewale: A Life of Service, we i stori long laip bilong Sir Ebia. Dispela buk em i rekot bilong sevis em i givim long kantri Papua Niugini, na i makim kirap bilong PNG olsem wanpela kantri long pasin tumbuna, i kam kamap hap bilong wol komyuniti tude.

Planti stori i kam long ol wan famili, ol wanwok, poroman na ol ripot i stap long ol buk i soim piksa long laip bilong em, na olgeta wok em i mekim insait long 68 krismas bilong em. Buk i stori long taim em i yangpela mangi, ol yia em i bin skul long tisa koles, lidasip bilong em na strong em i bin gat olsem Presiden bilong ol Teseri Studens Federeesen, na membasip bilong em long Bully Beef Klub wantaim ol arapela sumatin olsem Michael Somare, Albert Maori Kiki, na Joseph Nombri.

Wokabaut bilong em i go long politiks olsem Memba bilong Saut Flai Distrik i bin kirap long taim em i bin skul yet long hai skul, taim wanpela tisa i bin krosim klas bilong em na tokim ol olsem ol bai no inap long kamap manmeri i gat biknem. Sir Ebia i bin pilim bikpela wari tru, na em i tokim em yet olsem em bai wok hat long kamapim senis bilong ol pipel bilong em. Buk i tingim bek ol kontribusen bilong em olsem wanpela Memba bilong Haus ov Asembli, ol wok minista em i bin holim, na gutpela wok kamap em na ol wanwok bilong em i wokim long painim nesenel independens. Em i bin kisim luksave bilong kwin long yia 1982, long 'sevis em i givim long politiks na gavman'.

Sir Ebia i bin kamap memba long PNGSDP Bod long yia 2003. Dai bilong em long mun Janueri long yia 2009 i givim bikpela bel sore long ol wanwok bilong em long PNGSDP Bod, Menesmen na ol wokmanmeri. Ol i tingim pasin bilong em long amamas oltaim, luksave long ol manmeri, na strongpela tingting bilong en long bringim developmen i go long pipel bilong PNG na pipel bilong em long Westen Provins. Stap bilong em long Bod bilong PNGSDP i givim bilip long ol pipel bilong Westen Provins, olsem ol laik na samting ol i nidim, i stap long han bilong wanpela brata husat i makim ol planti krismas pinis, taim em i bin wok politiks.

Yumi noken tru lus tingting long ol kontribusen o bikpela wok ol lida olsem Sir Ebia i givim long bildim kantri, bai yumi inap long lukim ol gutpela bilong wanpela fri kantri.

Mi amamas long stap insait long wok bilong autim dispela buk, na moa yet, givim i go long ol skul long kantri. Mipela i amamas long man i raitim dispela buk, Dokta Jonathan Ritchie, husat i bin wok strong long bungim olgeta stori long laip bilong Sir Ebia Olewale. Em i wanpela gutpela stori na skul buk, we nau i stap long publik i ken kisim long Bukstoa bilong Yunivesiti bilong Papua Niugini (UPNG).

I kam long tebol bilong CEO (Article #34 of 2012)

CEO: David Sode

Tel: (675) 320 3844/45 | Fax: (675) 320 3855 | Email: enquiries@pngsdp.com
Website: www.pngsdp.com

Ol PNG sumatin winim ofa long skul long Indonesia

Pater Paul Liwun SVD i raitim

ASKIM i go long ol sumatin husat bai go skul long ol bikipela skul long Indonesia long kamap ol gutpela embaseda na promotim gut nem bilong PNG long ol wan wan institusen ol bai go skul long en.

Embaseda bilong PNG long Jakarta, Peter Ilau, i wokim dispela toktok long wanpela sere-
moni i bin kamap long Embasi bilong Indonesia long Mosbi long las wik Tunde, bilong tok amamas long 27 sumatin bilong PNG husat i winim ol skolasip long go skul long ol yunivesiti na ol bikipela edukesen institusen long neiba kantri bilong yumi, Indonesia.

Ol dispela sumatin bai skul long ol kain kain fil o eria bilong stadi olsem Infomesen Teknoloji o IT, Bisnis, Intanesenel Loa na Jastis, Bailoji, Fud Prodaksen, Envairomen Sains, Eben Developmen Plen, Siti Plen, Oto



REDI: ol sumatin wantaim ol opisal bilong Indonesia Embasi long Mosbi i kisim poto.

Mekanik na narapela moa. seremoni na i amamas long
Ambaseda Ilau i kamap long welkamim ol nupela sumatin

long stadi long Indonesia.

Em i givim ful sapot long ol na tokim ol olsem ol bai go long stadi na stap long wanpela sosaiti i gat strongpela disiplin bilong em.

"Noken bringim hambak pasin bilong PNG i go long hap. Yupela i mas stretim yupela yet long sosaiti bilong ol.

"Sapos yupela i wokim gut olsem, ol i bai amamas na sapotim yupela," Ambaseda Ilau i tok.

Em i tu tok olsem em i amass long olgeta sumatin husat i stadi nau long Indonesia.

Olgeta i wokim gut yet, bikos long taim bilong em, em i no kisim wanpela komplek yet long yunivesiti ol i stadi long em.

"Yupela i mas bringim na promotim gut nem bilong kantri bilong yumi long wanem yunivesiti yu stadi long en," Ambaseda Ilau i tok.

Em i amamas tu bikos wanpela PNG IT sumatin bilong UNICOM long Bandung siti i bin kamapim Websait bilong PNG Embasi long Indonesia.

Long yia 2012, moa long 300 sumatin i bin aplai na long helpim bilong Opis bilong Haia Edukesen long mekim wok glasim na skelim, 27 sumatin i bin winim ol ofa na go stadi long ol wanwan yunivesiti long Indonesia. Dispela program i

bin kamap longpela taim pinis.

Pater Paul husat i raitim dispela stori i tok olsem em i bin helpim Edukesen Atase bilong Indonesian Embasi long skulim Besik Bahasa Indonesia long ol sumatins husat i bin kisim ofa bilong skolasip, stat long yia 2004 inap nau.

Long yia pastaim, ol sumatin i kisim ofa i go stadi long ol yunivesiti long Jawa na Bali Ailan tasol. Long dispela yia, sampela bilong ol i go long narapela Ailan olsem Sumatra na Sulawesi.

Foapela i go long Sumatra long stadi long Sriwijaya Yunivesiti long Palembang Siti, na wanpela i go long Sulawesi long stadi long Sam Ratulangi Universiti long Manado Siti.

Mista Wisnu em Edukesen Atase bilong Embasi bilong Indonesian i tok, neks yia planti yunivesiti ausait long Jawa i redi long kisim ol PNG sumatin husat i laik stadi long yunivesiti bilong ol.

Dispela 27 sumatin bai stadi long UNICOM Bandung, ITS Surabaya, Diponogoro Yunivesiti long Semarang, Gajah Mada Yunivesiti long Jogjakarta, Indonesian Yunivesiti long Jakarta, Trisakti Yunivesiti long Jakarta, Sriwijaya Yunivesiti long Palembang, Sumatra Ailan na Sam Ratulangi Yunivesiti long Manado, Sulawesi Ailan.

Jomba skul soim naispela kala wantaim danis

James Kila i raitim

OL GRET Seven sumatin bilong Jomba Paimereri Skul insait long Madang taun i soim tru kala bilong bilas na soim kalsa bilong ol insait long wanpela ats pefomens de bilong ol long las wik Fonde.

Olgeta Gret 7 sumatin stat long 7A i go 7D i bin go insait long grup bilong ol na kamapim ol kain kain stail bilong danis we bai lukim ol tisa bilong ol i

skelim ol na givim mak long ol. Olgeta dispela em i stap insait long skul wok o lesen bilong ol.

Dispela em ats asainment bilong ol long Tem-
3 na ol sumatin i go insait long wan wan grup we i gat 10-pela memba na givim samsam stret wantaim ol naispela bilas na soim danis bilong ol.

Ol eria we ol tisa i givim poin o mak long ol sumatin em long wanem kain bilas ol putim, stail, bihain stret danis, wok-

bung wantaim, musik, samting ol i yusim, taim ol i givim, ogenaiesen na motivesen. Olgeta dispela bai kamap wantaim 50 poin mak.

Sampela ol papamama na ol lain klostu long Jomba Paimereri skul i bin amamas tru long lukim ol danis ol sumatin i wokim. Sampela mama tu i skin kirap stret long danis na i no westim taim long sakim-sakim bodi na danis wantaim ol sumatin long soim stail bilong ol bilong bipo.



Antap: NGI STAIL: Ol meri sumatin bilong NGI rijen i putim kain bilas na amamas na samsam long selebretim Ats De long Jomba Paimereri Skul long Madang.

DAUNBILO: Ol mangi yauro long Is Nu Briten i soim kala bilong ol long Jomba Paimereri Skul.

Ol poto: James Kila



Nupela buk i stori long Pop John Paul 2 i kamap

Zenit Nius Ejensi

BAI i gat nupela buk i kamap long Pop o hetman bilong Katolik Sios we ol sios memba na ol nara-pela pipel ausait long sios i gat bikpela luksave na laik long en, em nau i dai Pop John Paul 2.

Nem bilong dispela nupela buk em, "Secret Life of John Paul 2" we wampela man Itali nem bilong em Lino Zani, em wampela man i save go antap long ol maunten na em i skulum ol man-meri long ski o wok-about long ais, i raitim.

Planti ol narapela buk ol bin raitim long Nau i dai Pop John Paul 2, long sait bilong spiritual na laikp na wok bilong em namel long pipel.

Tasol dispela nupela buk we ol bai kamapim long namba wan taim long Tok Inglis i autim laip bilong narapela sait bilong Pop. Dispela em long ausait wol na long ples em i save laikim stret long maunten.

Nau yumi save olsem Pop John Paul 2 i save hait na lusim apostolic pales long Vatiken wantaim nogat toksave i go long maunten bilong Itali long ski o wokabaut. Em bin wokim 100 hait wokabaut i go long ol

maunten bilong Itali, nupela buk i tok. Long-pela taim sekreteri bilong Pop John Paul 2, Kadinel Stanislaw Dziwiz, i tok em na Pop na tupela helpim wok-lain bilong Polan yet i bin save pekim ol klos long baksait blong kar bilong wampela pater na hait i go aut long Vatiken, na go long ol taun i stap klostu long ol maunten. Draiv long kar i go aut long Rom i save kisim tupela awa.

Long buk bilong em, A Life with Karol, i bin kamaut long 2007, Kadinel Dziwiz i bin tingim olsem Pop i save putim ol sanglas na ol klos olsem tasol ol narapela lain i save ski, na nogat man i save luksave long en. Zani i save joinim ol lain long wokabaut bilong ol olsem wampela gaid, bihain long em i kamap gutpela pren bilong Pop taim em i wokim namba wan wokabaut bilong em long ski long Noten Alps long 1984.

Zani i bin gat 27 krismas long dispela taim, tasol em i tingim bek gen gut stret long namba wan taim we Pater Dziwiz na bos bilong sekuriti bilong Pop, Komanda Camilo Cibin, i bin go lukim em na famili bilong em long ples bilong ol, Bresca we i stap long maunten klostu long bikpela ais eria.



FEVERET POP: Nau i dai hetman bilong Katolik Sios long wol, Pop John Paul 2 i save laikim neitsa na envoirnmen i holim wampela rose purpur i stap na pre long poto 1, taim long narapela poto, em i blesim ol yangpela long Wol Yut de long Meksiko. Ol sios na wol lida na pipel bilong ol nara-pela lotu long wol na ol Katolik pipel i bin luksave na laikim dispela Pop i gat daun pasin, man bilong laikim Pis o belgut namel long olgeta pipel long wol.

Famili i kirap nogut tru na taim ol i harim olsem ples na haus bilong ol em ol i makim long Pop i stap long en taim em i go long ol ski wokabaut long Alp maunten.

Tasol Zani na mama bilong em i haitim gut tru dispela samting, na pastaim tu, ol i haitim long papa bilong em.

Zani i stori tu long nau Presiden bilong Itali, Sandro Pertini, husat i harim long dispela nius bilong Pop na Pop i askim em long go lukim em.

Buk i gutpela stret long ritim long wanem, em i autim ol tok pilai, tok pani na rot we Pop i lukim na toktok na stap long kain laip ausait long Vatiken.

Bikos ol man i no save luksave long Pop wantaim ol ski

klos, wampela gutpela stori long buk tu i kamap wantaim Pop na liklik mangki i gat 8-pela kris-mas.

Zani i tok wampela moning ol bin go ski na ol i go pas long wampela liklik mangki husat i wok long lukluk strong long Pop na Pop i smail long em. Bihain long ol i ski

tripela taim, mangki i askim sapos em i Pop.

Na John Paul 2 i tok, yes long em na i askim em sapos em i laik ski wantaim em.

Zani i tok boi ya i go long mama bilong em husat i bin sindaun long sia daunbilo we ski lif i stap long en, na em i singaut olsem, "Yu save olsem mi ski wan-

taim Pop?"

Mama ya i sekim het tasol bikos em i ting mangki ya i tok pilai tasol. Tasol bihain, Pop i go na tok moning na halo long en. "Mi no inap lusim tingting long wanem, meri ya i no bilipim na em i kirap nogut stret bikos pes bilong em i soim dispela kain lukluk. Ating

inap tude, meri ya i mas ting olsem em i dri-manim dispela samting!," Zani i tok.

Taim yu ritim buk, bai yu lukim planti samting long laip bilong Pop olsem wampela man i laikim neitsa na maunten, sait bilong em wantaim pipel we i toktok na mekim pani.



CONGRATULATIONS PAPUA NEW GUINEA

On the occasion of our 37th Independence Anniversary



We, at the National Economic & Fiscal Commission are pleased to report these results:

- * There is empirical evidence that the reforms to the Intergovernmental Financing Arrangements contained in the *Organic Law on Provincial Governments and Local Level Governments* have resulted in improvements by Provinces in their delivery of basic services.
- * There has been increasing funding provided to provinces for basic service delivery; from K134.7m in 2009 to K261.2m in 2012. This means provincial funding for basic services has almost doubled during this period.
- * This funding has also been better targeted to high priority areas such as funding of rural health facilities, primary schools and the maintenance of our rural roads system.
- * As a result, we are beginning to see improvements in the capacity of provinces to better serve the rural communities of Papua New Guinea. The National Economic & Fiscal Commission (NEFC) will continue to work with provinces to build on these improvements.

These results show that when everybody works together, (provinces, national agencies and Local-Level Governments), we can make a real difference to the welfare of our people in rural Papua New Guinea.

Happy 37th Independence celebrations, Papua New Guinea

Nao Badu
Chairman/CEO

Lida i mas gat gutpela nem

OLGETA lida i mas gat gutpela nem na rispek namel long lain i stap olsem lida.

Long Tok Inglis yumi tok; Respect Reputation and Credibility.

Ol pipel husat i bihainim ol na stap klostu long ol i ken gat rispek long ol.

Sampela taim long tingting bilong mi, em i gutpela long ol lain husat i save gut long yu longpela taim i mas gat rispek long yu, long wanem, ol i save gut moa long olgeta liklik samting na bikpela samting long laip, sindaun na wokabaut bilong yu olsem lida.

I gutpela long:

- 1)Meri bilong yu i ken trastim yu na save olsem yu gutpela man long pasin bilong yu;
- 2)Ol famili bilong yu i ken gat rispek long yu;
- 3)Ol lain i stap klostu long yu i ken gat rispek long yu;
- 4)Ol gutpela poroman i ken gat rispek long yu;
- 5)Ol arapela lida i ken igat rispek long yu.

Dispela em bikos ol i save long olgeta kain liklik samting insait long laip bilong yu.

Sapos ol lain i stap klostu long yu i gat rispek long yu, em i soim olsem yu wampela gutpela lida. Planti taim ol nupela lain i no save long yu tu i no lukim yu bai i gat

rispek long yu. Tasol ol lain i stap klostu long yu bai nogat rispek long yu long wanem? Ol i save gut tru long yu yet, yu wanem kain

lida.

Ol lain stap klostu long yu ol i lukim olgeta gutpela na nogut wantaim insait long laip na pasin bilong yu. Sapos ol dispela lain stap klostu long yu i gat rispek long lidasip bilong yu, em i gutpela moa long yu olsem lida.

Dispela i soim olsem yu wampela gutpela lida, we ol manmeri i gat rispek long yu bai harim tok bilong yu. Wanem kain tok yu mekim bai gat bikpela strong bilong em long tingting bilong ol long wanem ol i save long yu na ol i gat rispek na tras long yu olsem lida. Toktok bilong yu bai gat bikpela strong long wanem, ol i save ol i lukim yu na skelim yu wantaim toktok bilong yu.

Sapos yu gat nem nogut na ol i harim toktok bilong yu na save olsem toktok bilong yu i no wankain olsem pasin bilong yu, bai ol i lap na daunim yu na sampela taim bai ol i nogat bilip long yu. Ol manmeri save skelim tok bilong yu wantim kain pasin bilong yu. Em i isi long kamap lida, tasol i hat long stap stret olsem wampela gutpela lida.





TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Haiwara long PNG i kamapim dai bilong pipel na bikpela bagarap long ples

RIPOt i kam long Papua Niugini i tok sampela pikinini i dai taim bikpela ren i kamapim ol graun bruk long Sauten Hailans.

Ripot i tok dispela birua i bin kamap bihain long bikpela ren em i bin go het long sampela de long hap.

Martin Mose bilong Nesenel Disasta Senta i tok haiwara i rausim sampela bris na dispela i kamapim bikpela hevi bilong planti tausen pipel husat i save yusim dispela bris.

"Em i infrastraksa we i bikpela wari nau," em i bin tok. Olgeta i bagarap."

Mista Mose i tok ol atoriti i wok long skelim dispela ol bagarap na i tok, Nesenel Eksektiv Kaunsil em i bilip bai tokaut long ol mani halivim i go long dispela bagarap.

Ol asailam sika bai silip long ol haus kandis long sikspela mun samting

DISPELA tokaut i kam long Gavman bilong Australia.

Imigresen Minista bilong Australia, Chris Bowen, i sainim dispela tok orait long Mande, we bai ol bai salim namba wan lain i go long Nauru, sampela taim long dispela wik.

Lowa haus bilong palamen long Australia i bin tok oraitim dispela ol plen long Mande apinun, tasol em i mas kisim vot bilong Senet.

Taim dispela i kamap, gavman bai gat pawa aninit long loa long salim ol namba wan grup i go long Nauru.

Bowen i tok insait long dispela ol ten, bai i gat faivpela pipel long wan-wan ten, we em i tok, ol man tasol bai stap.

Ol meri na pikinini bai gat haus bilong ol yet.

Bos bilong konstraksen kampani, Paul Finch, i tok dispela bai gat ol samting em i fit long ol asailam sika i stap long en.

Em i tok wok i wok long ron hariap long sanapim ol dispela ol haus, na maski planti manmeri bai gat kain kain tingting long en, em i orait long ol manmeri i stap sindaun long en.

Ol komyuniti lida bilong Nauru i tok ol pipel i amamas long kamap bilong senta long wanem em i givim wok long ol, na strongim ekonomi bilong dispela turangu ailan kantri.

Nauru na Manus
redi long kisim
asailam sika



TOK WANBEL: Australia Imigresen Minista Chris Bowen i sindaun sainim agrimen wantaim Foren Afes Minista Rimbink Pato. Long baksait, Praim Minista Peter O'Neill na Julia Gillard i sanap. POTO: AAP Images

OL namba wan lain asailam sika aninit long opso prosesing loa bilong Australia, bai go long Nauru long dispela wik.

Ol i wok nau long putim ap planti long ol tent haus o haus kandis bilong silipim samting olsem 1,500 ol asailam sika.

Narapela 600 bai ol i salim i go long Manus Ailan long Papua Niugini, bihain long Australia na PNG i sainim wanpela Memorandum ov Agrimen long las wiken long APEC miting long Vladivostok long Rasia (Russia).

Palamen bilong Australia bai toktok long dispela wok long ol dispela pepa bilong ol ples ol i makim bilong opso prosesing.

Gavman i tok ol asailam sika husat i bin kam long Australia long sampela wik i go pinis, bai ol i salim ol i go long narapela kantri long ol i prosesim ol.

Mausman bilong Oposisen Imigresen, Scott Morrison i bin tokim ABC am program olsem gavman bai gat hevi long muvim ol asailam sika long Christmas Ailan i go long narapela Pasifik kantri.

Ol i tok maski ol tent haus long Nauru i redi, ol i nidim yet wok long sait long kaikai bilong ol, na long sait bilong ples bilong ol i save waswas long en, na dispela

bai no inap redi inap long pinis bilong dispela wik.

Namba wan lain bai ol i salim ol i go long Nauru em i sampela ol single man husat i stap nau long Christmas Ailan.

Wanpela man long Imigresen Dipatmen i tok ol Australia Federal Polis bai yusim fos sapos ol lain ya i no laik kalap long balus bilong go long Nauru.

Paris Aristotle, wanpela man husat i save halivim ol refugee i tok ol i hop olgeta samting i go orait na ol bai no nid long yusim fos.

**Australia na PNG
sainim agrimen
long asailam sika
senta**

DISPELA dil namel long Australia na Papua Niugini i min ol i ken opim gen Manus prosesing senta, we olgeta pipel husat i askim long kamap refuji, bai go long hap pastaim long ol i ken kisim ol i go long Australia o narapela kantri.

Praim Minista bilong Australia, na Praim Minista Peter O'Neill i sainim wanpela agrimen ausait long bikpela bung bilong APEC long Rasia.

Wanpela agrimen ol i bin sain-

im pinis, tasol i bin gat sampela senis bihain long wanpela Hai Kot salens i go long Malesia ditensen senta em gavman i bin laik kamapim.

Mis Gillard i tok dispela nupela agrimen ol i sainim, i ken nau stat long Manus ailan.

"Wok i kirap pinis long Nauru. Ol arapela tim bilong sekim i go pinis long Manus ailan tu," em i bin tok.

"Laik bilong mipela em long sanapim dispela tupela rijenal prosesing senta kwik."

Mista O'Neill i tok kantri bilong en i no putim sampela kain 'kondisen' i go long Australia sapos dispela senta i kamap gen, long tok, bikpela samting em long Australia i mas peim olgeta samting long kirapim gen dispela ditensen senta.

"Dispela em i wanpela rijenal isiu, na mipela i no tingting long mekim mani long en. Olsem na em i samting bilong Australia gavman nau," em i bin tok.

"Larim ol i makim manimak, givim mani long en, na mipela bai halivim tasol."

Moa long en, Mista O'Neill i tok, "Ating mobeta ol i hariap na prosesim ol, na olgeta samting bai orait."

Mis Gillard tu i bin toktok wan-

taim Malesia lida long ol isiu bilong ol asailam sika.

ABC Ripota Latika Bourke i tok Gavman i plen long salim ol asailam sika i go long Nauru oa long Papua Niugini long pinis bilong dispela mun. Septemba.

**Bikpela wari long ol
'ilgal wepen' i pulap
long Pasifik**

RIPOt i tok moa long hap bilong ol kraitim o bikpela trabel insait long Pasifik i kamap long ol gan.

Wanpela ripot bilong Pasifik Transesenel Kraitim i bin tok Tonga na Ameriken Samoa insait long ol yia i go pinis, i bin senta long ol pipel i muvim ol gan i go kam insait long Pasifik rijen.

Tasol insait long Papua Niugini, ripot i painim moa long 60 pesen bilong ol bikpela kraitim nau i kamap long birua bilong ol gan.

Long Samoa insait long mun Me, wanpela man i bin dai na tripela polis-man i kisim bagarap bihainim wanpela polis reid long wanpela viles long hap.

Dokta Gordon Nanau, wanpela tisa long sait bilong politik na intanesenel afes long Yunivesiti bilong Saut Pasifik long Fiji, i tok olsem ol pipel i mas wokbung wantaim polis long daunim namba bilong ol gan i go long ol komyuniti.

Em i tok tu olsem i gat ol ripot long liklik namba bilong ol gan, i stap long Solomon Ailans, maski i gat tripela amnesty agrimen long em ol lokol atoriti na Rijenal Asistens Misen i go long Solomon Ailans, RAMSI, i go pas long en.

**Obama i tok em
bai sanap gen**

US Presiden, Barack Obama i askim olgeta Ameriken pipel long votim em bek long Wait Haus olsem em i ken lidim kantri kamap long wanpela gutpela ples.

Dispela tokaut bilong en i bin kamap insait long bikpela bung bilong Demokratik Pati long Charlotte, North Carolina.

Tripela di i kam go pinis, planti spika long Konvensen i bin pairap long ol toktok no laikim ol toktok Ripabliken Pati kendidet Mitt Romney i mekim.

Mista Obama long Fraide i hamarim gut tru ol wok bilip bilong pati bilong en, ol Democrats.

Em i tokim ol vota olsem olgeta tingting ol i skelim i no long tupela kendidet tasol, em i long tupela pati. Em i tokim ol em bai skelim namel long tupela rot wokabaut bilong Amerika.

Pacific BEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Hepi 37 Independens long PNG

HEPI 37 independens go long olgeta pipel bilong Papua Niugini long dispela taim. Dispela Sande em 16 Septemba na em de we kantri bilong yumi bin kisim independens long han bilong Australia.

Orait em yumi olgeta save pinis long wanem em independens bilong PNG na yumi bai amamasim long kainkain we na stail bilong yumi.

Long taun na ol siti em planti kampani na bisnis i bilasim ol wok ples bilong ol na tu ol manmeri bai werim ol siot na kolos makim kala bilong Papua Niugini long en.

Em dispela kain bilas bilong soim olsem kantri i kamap long wanem taim insait long yia long tingim independens de bilong en.

Long ol ples em yumi no klia gut bikos pasin bilong ol lida long go pas na stretim ol ples na bungim ol pipel wantaim em bikpela samting. Ol politikis lida save skelim mani na givim go long ol singsing grup, mekim ol kaikai, kamapim ol kainkain pilai na



ol samting. Tasol yumi no save sapos ol politikis lida bilong yumi i redim ol ilekoret bilong ol long dispela o nogat.

Sapos nogat em mi ting bai ol ilekoret bilong yumi bai sindaun nating olsem na no inap pilim tru mining o as tingting bilong independens bilong kantri bilong yumi.

Em tru olsem las mun tasol em nesenel ileksen i pinis na planti memba i nogat mani long kamapim amamas de long ples na ilekoret bilong ol.

Ating bai yumi lukim independens long ol taun tasol we ol kainkain pilai spot na ol singsing grup i soim liklik samting long makim 37 kris-mas bilong kantri bilong yumi.

Tasol independens em no nupela samting long yumi bikos olgeta yia yumi save amamasim. Tasol trupela mining bilong independens mas kamap long soim stret olsem kantri bilong yumi i tru tru independens. Independens em min olsem yumi sanap long lek bilong yumi yet na gat strong long lukautim sindaun na ron bilong ol pipel na kantri bilong yumi.

Las wik yum ritim long niuspepa olsem planti skul insait long kantri bai pas bikos ol no kisim yet dispela fri edukesen mani we gavman i promis long en. Dispela em no gupela mining na piksa bilong independens. Ol skul pikinini bilong yumi em bun bilong kantri na edukesen bilong ol noken bagarap long dispela taim we kantri i makim 37 independens. Sapos ol skul i pas, we stap mining bilong independens?.

Ol lain bilong yumi long Sauten Hailans kisim taim nogut long wara tait na graun brukim na bagarapim ples na laip bilong ol pipel long las

wik i kam. Planti tausen manmeri stap wantaim wari long dispela taim we kantri laik amamasim independens de. Bai gavman tok wanem long dispela na wanem kain sori na helpim bai yumi givim long ol?.

Prais bilong ol kaikai na ol samting long stua i antap yet na yumi ol pipel i bel pen na skin hot long dispela bikos mani bilong yumi save sot na i no inap kamap bungim fot-nait.

Tingim tasol ol kainkain hevi yumi bungim tude long kantri na tingim mining bilong independens. Ru olsem olgeta kantri save bungim hevi na kirap ron go het tasol yumi mas tingim olgeta hevi bilong yumi na stretim na noken lukim na larim tasol. Independens em olsem, stretim hevi na kamapim gutpela rot bilong yumi go insait long painim gutpela sindaun na amamas.

Hepi 37 independens go long yupela olgeta.



KOMENTRI

PNG ron olsem wanem long 37 krismas

DISPELA wik Sande em i wanpela spesol de long laip bilong olgeta manmeri husat i sitisen bilong dispela kantri, Papua Niugini.

Kantri bai makim 37-ia bonde bilong en dispela wiken, na yumi save planti bikpela selebresen bai kamap long olgeta hap bilong kantri.

Indipendens em i wanpela de yumi olgeta manmeri i mas sindaun gut na tingim bek long, olsem wanem, kantri bilong yumi i bin ron long dispela 37 yias.

Ol papa bilong PNG olsem Gren Sif Sir Michael Somare, Sir Julius Chan, Paias Wingti, John Momis, leit Bernard Narokobi, leit Sir Ebia Olewale, Sir Matiahe Yuwi, na ol arapela lapun papa bilong dispela kantri i bin mekim bikpela hatwok long yumi bai amamas olsem nau lukim fridom na stap olsem wanpela soveren independen nesen ol i kolim Papua Niugini.

Bihain long independens, PNG em i kamap olsem wanpela kantri long wol tu. Ol arapela kantri i luksave long kantri bilong yumi.

Planti samting i bin kamap insait long sotpela histri bilong PNG. Sampela i gutpela na sampela i nogut. Yumi bin bungim hevi, wari, asua, het-pen, amamas, guria, na paul tu.

Graun guria, hai wara, strongpela win, volkeno, sip kapsait, balus birua, na bikpela pait em ol sampela nogut samting i bin kamap long PNG namel long yia 1975 na 2012.

Taim ol samting nogut long yumi tu i stap, ol gutpela samting long PNG em i risos bilong yumi. PNG i gat moa long 10-pela maining projek na sampela ol liklik maining projek tu bai stat bihain long tupela o tripela yia nabaut.

Tupela bikpela multi-bilian kina PNG LNG na InterOil Galp LNG Projek i kamap tu. Ol loging kampani i wok long daunim ol diwai, ol piseris kampani i wok long hukim pis, na ol maining na petroleum kampani i wok long rausim ol ges, wel, gol, kopa, silva na nikel.

Tasol moa long ol dispela risos i wok long wes nating bikos nogat wanpela gutpela rot, haus sik, pawa stesen, wara saplai, ples balus, skul, sip bris na edukesen stendet i stap long kantri.

Fiji em i wanpela liklik kantri na poroman bilong yumi long Pasifik Rijen, tasol stendet bilong en i antap tru long PNG. Strong bilong Fiji dola em i moa long PNG kina. Edukesen stendet bilong Yunivesiti ov PNG (UPNG) em i damblo tru na Yunivesiti ov Saut Pasifik (USP) long Fiji winim.

Fiji i nogat planti risos. Em i save mekim mani long turisim na suga tasol. Tasol PNG yumi wok long kisim mani long kainkain samting.

Tasol yumi putim hanmak long soim ol dispela gutpela risos kantri i gat long en o nogat? Ansa em, i nogat. Nogat wanpela gutpela han mak i stap long soim na tokim wol olsem PNG em i wanpela strongpela kantri na pulap long gutpela risos.

Sans long makim gutpela lida bai kam bihain long 5-pela yia gen. Nau yet yu ken lokim wari bilong yu i stap, na dispela taim pinisim belhat bilong yu taim yu makim wanpela gutpela, stret-pela na trupela lida. *Hepi 37 Bonde Papua Niugini.*



Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Able Building Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Roku Praimeri Skul bai tanim 37-yia wantaim PNG

Aja Alex Potabe
i raitim

NAISPELA kantri bilong yumi olgeta, Papua Niugini, bai tanim 37-yia long dispela yia. Long dispela wiken kainkain selebresen, festival na so long amamasim na makim dispela indipendens de bai kamap long planti hap bilong kantri.

Em i gutpela tru long yumi olgeta manmeri long tingim bek wanem samting ol papa bilong dispela kantri i bin mekim long larim kantri bilong yumi i kisim fridom.

Dispela kain pasin i ken strongim bilip long yumi yet olsem mipela i strong inap long lukautim dispela graun bilong yumi yet Papa God i givim long yumi.

Taim olgeta manmeri, ol memba na lida, na ol arapela manmeri i laik harim stori bilong ol gutpela na bikpekla samting tasol, Wantok Niuspepa i bin painimaut olsem wanpela liklik skul insait long Sentral Provins tu bai tanim 37-yia ol dispela yia.

Roku Praimeri Skul insait long Kairuku-Hiri Ilektooret bai tanim 37-yia ol dispela yia bikos skul ya i bin stat long yia 1975 taim kantri i kisim indipendens.

Plantim manmeri bai paul long Roku em i stap long wanem hap stret insait long Kairuku-Hiri. Em i no long we long Mosbi siti. Em i stap baksait long Napanapa Refaineri bi-

long InterOil Corp.

Sapos yu stap long Daun Taun Mosbi na brukim solwara i go hap sait, bai yu kamap long Roku. Long kar bai u raunim olsem long Tatana, Baruni, Motukea, Konebada, na kamap long dispela liklik ples Roku.

Bihain long mipela i kisim indipendens 37 yia i go pinis, sampela hap bilong kantri i kirap na senis pinis. Tasol sampela hap, kain olsem Roku, maski em i stap klostu long kepitasi siti bilong PNG, em i no senis yet.

Em i asua bilong husat? Roku em i stap namel long hap we tupela bikpela multi-bilian-kina LNG refaineri bilong PNG LNG Projek na InterOil Galp LNG Projek. Nupela kampani Niugini Energy tu i kam stap long hap.

Tasol ol manmeri long hap i nogat wanpela gutpela wara saplai sistem. Ol skul pikinini i save kisim bikpela taim long sait biong wara.

Skul Het Tisa, Willie Kopilio, i tok ol i save baim tenk wara long mani K300 long Eda Ranu. Dispela Tenk wara i save sevim ol pikinini na ol tisa yet inap 4-pela de nabaut.

Kupo i tok InterOil i save helpim dispela komyuniti gut tru. Hap aste tasol, InterOil i givim K10, 000 long dispela skul long mekim banis bilong skul.

Taim InterOil i givim dis-

pela mani, ol sumatin, tisa, papamama na lokol komyuniti i bin amamas nogut tru.

"Mipela i amamas stret long dispela bikpela helpim mipela i kisim long InterOil. Mipela i save bilip olsem liklik senis i save kamapim bikpela senis. Bai mipela pinisim banis bilong skul wantaim dispela mani," Kopilio i tok.

Roku Praimeri i gat 180 sumatin, 6-pela klasrum bilong gret 3 i go inap gret 8. Em i gat 6-pela tisa tu. Ol sumatin yet i bin tokaut olsem ol i nidim stret gutpela desk, gutpela buk, sia na tebol, na ol i nidim stret ol nupela klasrum tu.

Taim PNG em i laik amamas long bonde bilong en, na ol pipel i lukluk i go long ol arapela bikpela selebresen, ol Roku manmeri i laik amamasim bondei bilong skul bilong ol. Skul bilong ol i tanim 37 yia ol na em i wok long go lapun.

Ol klasrum i bruk, desk i bagarap, glas bilong klasrum i bruk, ol sumatin i sindaun long floa, na ol i nidim ol arapela samting tu. Edukesen Minista Paru Aihi, husat i lokol memba bilong ol i bin givim K10, 000 pastaim.

Nau tu Minista Aihi i mas luksave long dispela liklik ples bikos skul ya em i wanpela namba wan samting long laip bilong ol liklik manmeri long hap.




SELEBRETIM 37 yia: Ol yangpela sumatin bilong Roku Praimeri skul mekimsave long danis tumbuna.
Foto: Aja Potabe

CELEBRATE INDEPENDENCE
in Style...

With our Range of PNG Supporter Merchandise

- PNG Flags • PNG Flag Tattoos • GO PNG Inflatable Hand
- GO PNG Inflatable Whackers Clappers • PNG Coloured Wigs
- Face Paints • Balloons • PNG Coloured Banners

Only at Theodist!!



ROKU TANIM 37...Roku Praimeri Skul i bin stat long yia 1975 na em i tanim 37-yia tasol ol skul samting olsem desk, tebol, klasrum, buk, na ol arapela samting i bagarap stret. Gavman mas helpim dispela olupela skul we i stap long Ilektooret bilong Edukesen Minista Paru Aihi. Foto: Aja Alex Potabe

Contact Our Sales Team

Waigani Drive, Port Moresby Ph: 325 6500 Fax: 325 6302 Email: sales@theodist.com.pg
Markham Road, Lae City Ph: 475 5488 Fax: 472 7838 Email: cbaker@theodist.com.pg

THEODIST
THE STATIONERY SUPERMARKET



Namba 37 Independens Anivesari-PNG

TOKTOK BILONG MEKIM WOK I KAM LONG HONORABEL MICHAEL MALABAG, OBE - MEMBA BILONG POT MOSBI NOT WES ILEKTORET

OL WOK DIVELOPMEN BILONG POT MOSBI NOT WES ILEKTORET WANPELA GAITLAIN BILONG WANPELA GUTPELA DIVELOPMEN POLISI FREMWOK



Tok Luksave

Olsem memba bilong Pot Mosbi Not Wes ilektoret, mi luksave long bilip yupela i gat long mi long makim yupela long floa bilong Palamen. Long dispela, mi tok tenkyu tru.

Long makim famili na pikinini bilong mi, mi tok tenkyu long yupela olgeta, na mi lukluk i go het long wokbung wantaim yupela long olgeta eria bilong developmen we i sut long sindaun bilong yu insait long Not Wes ilektoret insait long faivpela yia i kam.

I gat sampela ol gutpela kendidet i resis long dispela sia tu. Mi tok tenmKA number of good candidates also contested the seat. I thank them for their noble efforts and sacrifice and extend my commiserations and wish them and their families all the best.

Ol Developmen Polisi wok

Planti long yupela bai save olsem mi bin wanpela lida insait long Tred Yunion muvmen long bikipela hap long wok laip bilong mi. Mi bin holim sampela ol sinia menesa posisen insait long nesenel publik sevis. Taim 2012 nesenel ieksen i kamap, mi bin Presiden bilong Pablik Employis Asosiesen na PNG Tred Yunion Kongres.

Long dispela level bilong lidasip, mi save olsem mi mas lukluk long bikipela mak bilong komynuniti long nesenel level wantaim planti ol wok resis na stekholda bilong en.

Not Wes ilektoret i gat pipel bilong kain kain hap kona bilong PNG. I gat planti ol ogenaisesen bilong sios, ol praiwet kampanti, ol komynuiti sevis ogenaisesen, ol meri na yut grup na kain kain moa. Mi bai gat taim bilong yupela olgeta, na olgeta bai kisim wankain luksave bihainim strong bilong wok ol i mekim.

Em i nupela taim yet, na mi wok long mekim wok rivi na skelim ol developmen nid bilong Not Wes ilektoret. Tasol ol dispela samting daunbilo em sampela ol bikipela eria mi bai lukluk long en.

Edukesen:

Mi bilip long tingting bilong Yunivesal Eduksen. Dispela i luksave long edukesen bilong olgeta. Ol pikinini na ol yut i mas namba wan wari. Olgeta level bilong edukesen bai kisim luksave. Olsem wok redi bilong dispela, bai gat wanpela wok glasing long olgeta edukesen institusen i go het. Ol dispela edukesen institusen em olgeta Teseri, Teknikal, Sekonderi, Komyuniti na Elementeri skul. Skul bilong ol bikipela manmeri tu bai gat luksave.

Groa long namba bilong ol manmeri long Pot Mosbi em i antap tru. Dispela i save lukim bikipela namba pikinini inap go skul husat i no inap go skul bikos i nogat spes. Mipela bai sekim olgeta rot bilong mekim bikipela o opim ol nupela edukesen institusen insait long Not Wes ilektoret.

Mipela bai glasing olgeta pablik na praiwet edukesen institusen na olgeta ol bikipela stekholda bai givim tingting, wantaim Dipatmen bilong Edukesen, IEA na ol arapela ejensi.

Wanpela klia polisi progrem bai go aut bihain long dispela wok glasing i pinis. Askim bai go long olgeta stekholda long wokbung na givim tingting. Progrem bilong raun i go lukim olgeta skul na edukesen institusen insait long Not Wes i klostu redi nau. Toksave bai go aut long olgeta skul.

Yut, Skils Developmen na Kamapim moa Wok:

Wanpela hevi long PNG em bikipela namba bilong ol yut. Sot long spes insait long ol teknikal institusen bilong strongim save i lukim planti tausen skul liva i wok abrus long sans bilong kisim inap save bilong painim wok o kirapim bisnis o ol arapela gutpela wok.

Bai gat wanpela wok glasing bilong ol skils o save we i gat nid long en namel long ol yut bilong Not Wes ilektoret, bilong strongim ol skils trening bai em i ken inapim ol leba maket. Sanapim bilong ol vokesenal, skils trening institusen na ol komynuiti koles tu bai kisim luksave. Hap bilong dispela wok em bilong bungim edukesen wantaim skils developmen na wok.

Helt:

Mi bilip long Yunivesal Helt kea aninit long luksave bilong Yunaitet Nesenens. Aninit long ol Milenium Developmen Gol (MDG), ol Milenium Helt Rikwaiamen bilong inapim wanwan kantri i stap ples klia.

PNG i sainim ol Milenium Developmen Gol. Dispela tok mipela i mas inap olgeta liklik mak helt askim pastaim long 2015. Olsem wanpela kantri, yumi wok pundaun long dispela. Olsem memba bilong yu, mi bai yusim olgeta save na strong bilong mi long inapim ol helt nid bilong Not Wes.

Wanpela gutpela helt plen bai kamap we bai em i bungim olgeta plen bilong opim na strongim ol helt klinik i stap nau. Mi bai lukluk long ol mobaii helt klinik sevis na raun i go long ol haus na ol arapela rot bilong givim isi rot bilong ol famili long kisim helt kea.

HIV/ AIDS / ol STD

Bikipela luksave bai go long HIV/AIDS na ol Seksuali Transमितet Disis o sik bilong sem. Ol bikipela stekholda long dispela eria bai mas bungim tingting. Nesenel AIDS Kaunsil, wantaim ol dona patna na stekholda i makim pinis ol taget bilong inapim aninit long stia na lukaut bilong NAC.

Mi bai bihainim ol polisi na stratejik wok bihainim Nesenel HIV na AIDS Strateji Pepa bilong 2011 - 2015 na givim sapot bilong mi long wanpela bikipela wok bilong inapim olgeta askim bilong daunim mak bilong ol dispela sik i groa. Bai gat wanpela Not Wes ilektoret AIDS Kaunsil i kamap long go pas long ol HIV/AIDS wok insait long ilektoret.

Ol Haus sik / Klinik / Medikal Sevis

Pot Mosbi Jeneral Haus sik i mekim wok moa long mak bilong em long inap long mekim, na i no inap long inapim olgeta askim namba bilong ol manmeri long siti i nidim.

Konstraksen bilong moa klinik insait long ol sabeb bilong Not Wes we i nogat klinik i stap, bai halivim long rausim sampela hevi. Long namel taim, mi laik go het long mekim ol dispela samting:

- Agpredim Gerehu klinik bai em i kamap haus sik. Long bihain taim, bai gat ol plen bilong sanapim wanpela ful haus sik.
- Opim gen Waigani klinik
- Strongim ol bilding long Morata , Tokarara na Hohola klinik.
- Sanapim wanpela klinik long Hanuabada

Mi bai wokbung wantaim ol gavman ejensi na Dipatmen bilong Helt, ol praiwet haus sik na ol arapela ejensi na institusen.

Ol Rot, Sabeb Strit na Wokabout rot

Long sait bilong rot, i gat tupela bikipela hevi long siti bilong Pot Mosbi. Namba wan em bruk daun bilong ol bikipela rot bilong wokabout na strit insait long ol sabeb; na namba tu em i nid bilong opim ol rot i stap pinis na opim ol nupela ekkes rot. Trefik i save paspas olgeta de long taim bilong ol kar i ron i soim klia piksa olsem mipela i mas stretim ol dispela eria.

Ol NCDC siti enjinia i lainim pinis ol plen bilong infrastraksa developmen insait long Pot Mosbi. Dispela i karamapim tu opim bilong Gerehu baksait rot we i bungim Atlas Steel jangsen o hanrot, konstraksen bilong foapela len baipas rot long Badihagwa i go long Baruni na Atlas Steel, na tu konstraksen bilong wanpela rot i bungim Gerehu na 8 Mail.

Mi bai wok bung gut wantaim siti hol na ol arapela NCDC memba bilong palamen bai ol dispela ol komitmen i kisim luksave na ol strit na rot insait long Not Wes ilektoret i kisim gutpela wok mentenens.

Pablik Trensport

Hevi bilong pablik trenspot sistem long Pot Mosbi em, yumi olgeta i save long en. Bikipela namba bilong pablik i go antap tru, na i mas i gat mobeta pablik trenspot sistem.

Mi bai wok klostu wantaim NCDC, Dipatmen bilong



Trensport na ol arapela ejensi long kamapim mobeta pablik trenspot sistem we i luksave long olgeta sait bilong givim trenspot sevis we i sef na gutpela long pablik long yusim.

Wanpela polisi progrem wantaim ol rekomendesen bai lukluk long olgeta sait bilong pablik trenspotesen.

Hausing:

Haus slip em i besik humen nid. Planti yia nau, Pot Mosbi i no lukim wanpela kain bikipela hausing developmen. Not Wes ilektoret i gat moa long hap bilong ol manmeri i stap long siti. Groa long namba bilong ol manmeri i strongim askim bilong inapim hausing askim bilong Pot Mosbi.

Bikos i nogat inap graun na ol bikipela kostim bilong bilding konstraksen na sevis, dispela i wok pasim hausing developmen. Dispela em i wanpela bikipela salens we i nidim wanpela nesenel luksave na wok progrem long stretim dispela eben hausing hevi.

Em i nidim wanpela nupela luksave we i bungim olgeta tumbuna papagraun, tasol i no rausim rait na luksave ol i gat. Mi bai glasing gut dispela lis-lis bek pasin. I gat bilip olsem toktok i ken go het wantaim ol tumbuna papagraun long givim planti ol graun i nogat wok i kamap long en long Gerehu i go olgeta long Baruni long sanapim ol hausing estet.

Mi bai wok wantaim Nesenel Hausing Koporesen, ol Tumbuna Papagraun na ol arapela stekholda long kamapim wanpela gutpela Pablik Hausing Progrem bilong Not Wes we i lukautim olgeta kain populesen sekta manimak bilong potnait pe, na ol arapela luksave.

Loa na Oda

Olgeta manmeri na ol famili i mas sindaun gut na amamas insait long wanpela ples we i nogat birua. Mi laik givim gutpela banis na lukaut long olgeta manmeri na famili i stap insait long Not Wes ilektoret.

Dispela bai nidim wokbung wantaim ol loa ejensi, em Royal Konstabulari, aninit long Dipatmen bilong Polis, na ol arapela ejensi na ogenaisesen.

Polis bai stretim wanpela sait bilong hevi tasol. Yumi bai nidim sampela ol arapela rot bilong bungim ol sosol na edukesen progrem, na givim bilong wok. Mi tingting long strongim komynuiti luksave olsem sekyuriti i kirap long haus na em i wok bilong olgeta manmeri long strongim.

Ol Kot/Dispiut Setelmen na Ligel Halivim

Ol haus kot nau i no inap long stretim gut ol kot kes i wok kamap. Dispela i nidim moa wok slekim, we bai yumi mas sanapim ol nupela haus kot insait long ol sabeb bilong Pot Mosbi.

Mi laik wok bung wantaim ol gavman ejensi olsem Atoni Jenerals Opis, Judisal Sevises, Polis na CIS, long strongim dispela askim.



Ol kros na traibol pait namel long ol birua lain i kamap wanpela nomol samting long ol sabeb bilong Pot Mosbi. Long daunim kain birua olsem, mi laik kamapim wanpela rot bilong stretim ol dispela hevi.

Mi bai toktok wantaim Opis bilong Pablik Solisita long kamapim wanpela patnasip wokbung bilong givim ligel halivim i go stret long ilektoret.

Drag Riabilitesen/ Alkoholiks

Anonimus/Laipain na ol Arapela Sosol Sevis

Mi bai strongim ol institusen i save mekim wok long ol dispela eria. Sapot bilong kain wok olsem bai bihainim nid bilong ol.

Ol Pak/Spots na Rekriesen

Ol Pak, gaden, spots na rekriesen insait long siti i nogat gutpela kala we i soim tru spirit na pasin bilong ol manmeri long bung wantaim na amamas. Ol i mas strong bilong halivim na daunim ol loa na oda hevi na strongim komynuiti long sindaun wantaim, wantaim wankain luksave.

Mi bai wokbung wantaim Minista bilong Spots, Honorabel Justin Tkatchenko na ol arapela ogenaisesen olsem PNG Spots Komisen na NCDC, long strongim ol fasiliti i stap nau, na tu kamapim ol samting we bai strongim ol samting i stap pinis. Sanapim bilong ol jimnasium, swimming pul na moa spots oval na fasiliti bai kisim luksave.

Wara

Mi bai wokbung gut wantaim Eda Ranu na NCDC long lukim olgeta famili i gat klinpela wara bilong dring, na gutpela wara saplai. Wara em i as tru bilong laip, na ol residen bilong Not Wes i mas kisim.

Ol nid bilong Eneji na Pawa

Gutpela na sef enaji saplai i mas stap long kamapim wanpela strongpela moden kalsa na ples sindaun. Mi bai sekim na wokbung moa wantaim PNG Pawa long daunim ol bleakaut o taim pawa i pundaun. Long bihain taim, gutpela sevis bilong pawa i go long Not Wes i mas stap insait long bikipela luksave i bungim ol bikipela stekholda olsem PNG Power, NCDC na ol arapela stekholda insait long enaji sekta. Mi gat laik bilong sekim ol arapela rot bilong enaji we i no dia tumas, na i gutpela long busgraun. Mi bai kisim moa stia tok long dispela sait.

Sanitesen na Haijin o klinpela pasin

Tingting bilong onasip, na luksave i mas go insait long bel na tingting bilong ol pipel bilong Not Wes bai ol i stap klin na ples tu i stap klin na stail moa. Dispela em i wok bilong komynuiti na em i mas kirap insait long wanwan hauslain yet.

I tru olsem bungim na rausim bilong pipia i kam aninit

long lukaut bilong mi, tasol mi bai kamapim ol rot bilong rausim pasin bilong tromoi pipia nating.

Sanitesen na haijin o klinpela pasin i save wokabout poroman oltaim. Pundaun long strongim tupela wantaim i ken kamapim kain kain birua bilong ol sik.

Suris, gutpela plaming na baret bilong karim wara em ol bikipela samting i mas kisim luksave. Ples bilong kukim rausim pipia, we nau i stap long Baruni damp bai mas senis.

Eben Developmen

I mas i gat wanpela eben developmen plen bilong lukluk long sanapim bilong givim ol besik sevis olsem Benk, Pos Opis na ol arapela sevis insait long Not Wes. Wanpela glasing bilong ol ejensi bilong go hetim ol eben developmen plen i stap nau bai go het. Mi bai wok wantaim ol ejensi bilong karimaut ol plen.

Ol Setolmen

Ol manmeri i stap long ol setolmen i no wok kisim inap luksave, na sevis olsem ol manmeri i gat wankain rait olsem ol arapela manmeri long PNG. Long dispela as, na i gat groa long ol kain kain raskol na stil pasin. Em nau, lus long komynuiti na ekonomik sindaun i save mekim ol i kamap olsem ol ausait manmeri, na i save strongim pasin daunim ol yet, na pasin i no gutpela long komynuiti.

Dispela em i wanpela hatpela eria we i nidim gutpela luksave we i stretim ol hevi we i bungim laik na luksave bilong olgeta.

Mi tingting long glasing gen ol plen bilong tanim ol dispela setolmen i kamap ol sabeb. Mi save olsem dispela wok bai nidim bikipela wok tru, tasol mi bilip olsem dispela i ken kamap.

Groa long Praiwet Sekta / Smol Bisnis Developmen

Olsem ensin bilong groa we i save kamapim wok na givim sevis, praiwet sekta i mas kisim sapot bilong larim em i groa moa. Mi laik wok bung wantaim bisnis komynuiti long kamapim wanpela praiwet sekta groa plen bilong ilektoret. Dispela plen bai karamapim smol bisnis developmen.

Strong bilong ilektoret long bisnis bai gat glasing bilong painim stia bilong kamapim ol gaitlain long kamapim wanpela ples we i gutpela bilong kirapim moa liklik bisnis. Moa long en, moa halivim long sait bilong lukautim bisnis tu bai kamap.

Wanpela bikipela kostim bilong ol liklik bisnis, em rent na ol kain kain arapela sas. Mi laik sekim strong bilong sanapim ol opis spes bilong ol liklik bisnis i save salim ol liklik kago samting.

Ol praiwet sekta ogenaisesen olsem Bisnis Karesen bilong PNG, Sembal bilong Komes, Employas Federeisen na ol arapela gavman ejensi bai kisim askim bilong givim stia tingting.

Infomol Sekta

Infomol sekta em i as tru bilong ol taun ekonomi. Planti wok i go long dispela sait pinis. Mi laik strongim dispela ol gutpela wok i go moa yet.

Wanpela long ol salens em long sanapim ol bris namel long fomal na infomal sekta, bai i ken larim gutpela rot namel long tupela.

Mi bai sekim gen wok i kamap pinis, na strongim ol arapela rot bilong groim dispela tupela seka. Dispela wok sekim bai karamapim glasing long mani sapot, tok stia na ol arapela kain halivim.

Ol Maket

Ol maket nau i stap, i no gutpela. Mi laik painim gutpela graun bilong sanapim ol gutpela haus maket wantaim gutpela wara saplai na toilet is tap insait long ol wanwan sabeb long Not Wes. Ol maket i stap pinis, mi laik agredim ol.

Plantai maket i save lukluk long salim gaden kaikai, pis na ol arapela kaikai. Mi bai lukluk long sanapim ol arapela maket bilong ol arapela kain samting. Toktok bai kamap namel long opis bilong mi, NCDC na ol arapela

ejensi bilong painim rot i go het long dispela sait.

Maikro Kredit / Ol Benk / Ol Fainensal Institusen

Groa bilong praiwet sekta, ol liklik bisnis, ol maket na infomal sekta i no inap kamap insait long eria i nogat rot bilong groa. Olgeta i nidim mani. Sampela ol Maikro Kredit skim i sanap bilong givim ol liklik dinau long wanwan manmeri husat i laik kirapim ol liklik bisnis.

Mi bai skelim ol rot i stap bilong sanapim wanela Maikro Kredit Skim bilong ilektoret tasol. We i gat Maikro Kredit Skim i stap pinis, mipela bai wok bung wantaim ol na mekim i go bikipela bilong ol manmeri bilong Not Wes.

Moa long ol Maikro Kredit Skim, mi bai wok wantaim ol Benk na ol arapela Fainensal institusen long opim ol opis na sevis long kain kain ol hap bilong ilektoret.

Ol Stua

Developmen o kamapim bilong ol stua em i olsem ol han bilong ol eben developmen plen. Olgeta dispela plen bai stap insait long ol eben developmen plen.

Ol Profesinal Sevis

Klostu olgeta profesinal sevis i stap nau long daun taun Pot Mosbi o Boroko. Ol loa opis, medikal opis, saveya, akitek, enjinia, akaunten na ol konsalting bisnis i mas go aut long ol sabeb. Mi bai sekim ol rot bilong pulim ol dispela ol lain long opim ol opis long ol sabeb.

Taun Hol / Konvensen Senta / Laibreri

Mi laik silipim faundesen bilong bilding na konstraksen bilong wanpela Sabeben Taun Hol wantaim Konvensen Senta na wanpela Laibreri. Dispela bai kamap hap bilong eben developmen plen bilong ilektoret.

Spiritual Developmen

Pasin bilong strongim spirit, em i samting bilong wanwan. Mi yet mi wanpela Kristen, tasol mi luksave long rait bilong olgeta kain lotu long strongim bilip bilong ol, tasol ol i noken daunim rait bilong ol arapela. Dispela i mas wankain long ol lain i no bihainim wanpela lotu.

Mi bai strongim wokbung bilong olgeta lotu na sios long givim sapot we ol i nidim. Mi laik sapotim ol sios na bilip grup long ol eria olsem edukesen, skils developmen, na helt. Moa sapot bai go aut bihainim strong bilong laik na luksave ol i gat.

Kalsa / Turisim

Not Wes ilektoret i pulap long kain kain manmeri bilong PNG, na tu ol arapela kantri. Mi bai strongim pasin bilong sindaun bung wantaim, bilong strongim luksave long kain kain ol pasin kalsa i stap.

Developmen na sanapim bilong ol kalsarel na turis senta bai go het. Mi laik wok klostu wantaim Nesenel Musium, Nesenel Turisim Atoniti, Nesenel Ats Skul na ol arapela Kalsarel Grup long kamapim wanpela plen bilong lukluk long developim dispela eria.

Pos Opis, Komyunikesen / Ol Intanet Kafe

Developmen na sanapim bilong Postal Sevis, Komyunikesen, IT na ol intanet kafe i mas stap long olgeta hap tude. Mi bai wokbung wantaim ol ogenaisesen i save givim ol dispela kain sevis long sanapim ol dispela sevis insait long wanwan ol hap long Not Wes.

Wok Gavman / Ilektoal Opis

Gutpela wok gavman i mas stap long gutpela givim bilong ol gavman sevis. Olsem memba bilong yupela, i mas i gat opis i stap bilong prosesim ol hevi bilong ilektoret. Em i klia hia olsem nau yet, i nogat wanpela opis i stap insait long ilektoret. Mi bai stretim dispela.

Wanpela glasing bilong olgeta manmeri long Not Wes ilektoret bai kamap long sekim wanem hap ol dispela opis bai sanap long en. Olgeta samting bai kisim skelim, olsem kostim bilong sanapim ol dispela opis.

Mi bai strongim Gutpela wok Gavanens, Transparensi o klia wok pasin, na Akauntabiliti.

Mi bai strongim tu pasin bilong bihainim loa, nesenel konstitusen na ol astinging bilong demokrasi.

Ol Humen na Demokratik Rait

Mi bilip tru long ol Jeneral Prinsipal bilong Humaniti we i kamap pastaim insait long Philadelphia Declaration bilong 1944. Mi givim bikipela luksave long ol dispela veliu, na bai strong long banisim na strongim ol. Mi mekim dispela, maski i gat ol salens i stap we i ken daunim olgeta dispela ol rait.

Ol Motu Koita Viles na Komyuniti

Mi larim toktok long ol Motu Koita komyuniti long las tru bilong dispela stetemmen, bikos Not Wes i karamapim sampela ol viles i stap long ol asples papagraun bilong Pot Mosbi, we baundri bilong ol i klia stret. Ol dispela komynuiti i gat kalsa bilong ol yet.

Mi bai wok klostu wantaim Motu/Koita Asembli, ol elda na ol arapela ki grup bilong sapotim na kamapim ol developmen progrem we i stretim wanwan ol nid na laik bilong ol komynuiti insait long ol dispela viles.

Wanpela wait pepa bai kamap we bai bungim olgeta developmen wok na ol arapela wok bilong givim luksave long ol dispela Motu Koita komyuniti.

Komitmen bilong Wokbung wantaim ol Dona Ogenaisesen

Nau yet, mi luksave olsem level bilong baset sapot mi gat bai no inap long givim olgeta ol bikipela projek mi laik mekim. Mi bai wokbung moa wantaim ol dona ejensi insait long wanwan ol spesolais eria bilong ol bilong kamapim sampela ol projek na developmen wok.

Pinisim Toktok

Mi tok gen olsem dispela em i wanpela stetemmen bilong laik mekim samting, we i kamapim as bilong wanpela polisi fremwok na eksen plen bilong kamaut long faivpela yia i kam, na bihain long en tu. Oda ol i bihainim long dispela stetemmen i no min ol bai bihainim stret.

I gat planti ol arapela samting, mi no raitim long yia. Ol dispela bai mi skelim wanwan, o taim em i pas wantaim ol wok mi makim antap.

Ol projek bai mi skelim na givim sapot long strong bilong ol wanwan. Mi laik tok hia, olsem ol projek i lukluk long halivim komynuiti tasol bai kisim luksave. Ol projek bilong halivim wanwan manmeri bai nogat.

Long bihainim ol dispela astinging na wok, mi bai lukluk na wok bihainim ol plen bilong Gavman olsem Midium Tem Developmen Plan (MTDS), Vision 2050, ol MDG, na ol arapela plen bilong kantri, na ol intanesenel loa luksave. Moa long en, mi bai bihainim Pablik Praiwet Patnasip (PPP) wok bung tingting. Mi bai bung wantaim ol arapela gavman na praiwet sekta wok progrem.

Mi save olsem planti long ol dispela wok bai nidim bikipela wok tru long kain kain kona, na ino long mani tasol. Mi na namba wan long tok olsem mi wan i no inap mekim ol dispela. Tasol mi ken givim lidasip na askim long wokbung bilong yupela olgeta long mekim ol dispela projek i karim kaikai.

Planti long ol namba wan wok bai nidim odit, iveluesen o wok skelim bilong sindaun i stap nau, long sait long wanwan ol projek antap. Dispela wok bai kamap insait long laspela hap bilong dispela yia.

Mi no laik statim nupela ol tingting na wok olgeta. Mi laik wokbung wantaim ol arapela memba bilong ol ilektoret long Pot Mosbi, na tu, wantaim Gavana Honorabel Powes Parkop.

Mi bilip olsem wokbung bilong yu bai stap wantaim mi. Mi laik wisim yu, famili na ol pren bilong yu, olgeta gutpela strong na sindaun. God i blesim yupela olgeta.

Mi em bilong yupela!

Michael Malabag
Membra bilong Palamen
Pot Mosbi Not Wes Ilektoret

Yangpela man i kisim gutpela indipendens presen

WANPELA yangpela man Milen Be bai amamasim gut namba 37 indipendens anivesari bilong kantri na tok tenkyu i go long Benk bilong Saut Pasifik (BSP) long as bilong amamas bilong yangpela man ya.

Archie Fitcher i gat 22 kris-mas na i kam long Milen Be Provins i winim K50,000 long BSP Grin Gol kes givawe bilong mun Ogas long dispela yia.

Archie i bin kirap nogut tru na em i no inap bilipim taim Sif Eksekutiv Opisa, Ian B Clyne, i givim em K50,000 long dispela wik Tunde. Em bin rausim K200 long wan-pela ATM masin long dispela mun na taim ol i wokim dro, nem bilong em i kamap olsem wina.

Archie em i wanpela

sumatin na em i wok long skul akaunten long kisim diploma bilong em long akaunting i namba wan long ol 4-pela pikinini, i tok em bai yusim hap mani long peim skul fi bilong em long tupela yia i kam na em i ken kisim diploma bilong em.

"Mi hat long toktok long amamas mi gat long winim dispels bikipela manimak bai mi yusim long pinisim skul bilong mi na kisim diploma, na ol narapela samting moa.

"Mi tok tenkyu long long BSP long dispela win bikos dispela bai daunim hevi papa bilong mi i gat long painim mani long baim skul fi na alauwens," Archie i tok.

Em i tok em bai helpim mama bilong em long pinisim haus bilong ol long ples.

Archie em i wanpela long ol

201 pipel we i bin win long mun Ogas. BSP Grin Gol Kes Givawe i bin givim K100,000 long dispela resis i go long ol wina.

Long mun Disemba, wan-pela laki kastoma bai winim K1 milian kes long Gren Prais dro.

Taim em i prisenim sekmani i go long Archie, Mista Cline i tok Grin Gol Givawe Kes i strongim ol pipel long yusim ol ilektronik sanel olsem ol ATM, EFTPoS na Mobail Benking. "Yu yusim Kundu Kad bilong yu planti taim, yu gat moa sans long win.

Long go insait long resis, ol BSP kastoma i mas yusim kad bilong ol long ol BSP ATM masin long rausim mani, long ol stua na long Mobail Benking.



LAKI STRET: Yangpela Archie i sanap wantaim CEO bilong BSP, Ian B Cline na sekman i inap long K50,000. POTO: BSP Pablik Rilesen

Happy 37th Independence Anniversary Papua New Guinea



Johnston's Pharmacies

P.O Box 1066 Boroko Phone: 325 3185, Fax: 325 0190 Email: sales@johnstons.com.pg



SINDAUN NA LUKIM: OL dispela liklik pikinini i sindaun long hap bilong selebren na lukim ol ektiviti o ol pilai samting i kamap.



SELEBRET: Dispela ol yangpela gel bilong Yabob long Madang Provins i selebret wantaim ol naispela kala bilum bilas i gat kain stail yet bilong em. Poto: James Kila

Commitment, better management of resources and attitude change will see a better PNG

Independence Message
By Fr Lollington

ALMOST leading up to four decades, Independence is something that towns and cities of this great nation must be proud of.

We have seen the development of our country; and though PNG is on its own, our bilateral relationship with our mother country, Australia, was and is committed to building human resources, and provide financial support. Millions and billions of kina coming into our country, but it is very hard to see development taking place in most remote parts of PNG.

Even the National Government's budget for capacity building in towns and districts is very poor.

Our schools, hospitals, health centers, roads and bridges are broken down. After 37 years, most parts of our country and roads have not been connected and as a result, our people cannot reach the nearest towns or markets to sell their products.

Their demands have been taken to Waigani, but we have deaf and dumb people who sit and enjoy our partners country funding and our tax payers' money.

Where is all the wealth of this great and blessed nation?

We need to take a critical look at ourselves to see if our commitment is wrongly applied.

But we thank God that PNG has been a self sufficient society in the past, where we survived through our own efforts, thus we have to recapture this attitude.

If we don't, then will never achieve progress for ourselves and our society. This great nation with so much preaching of great wealth should be in partnership between the state and the people.

If our government means business with us, we need to see total commitment to do better, to work harder and to give more of themselves then before.

We need to see the foundation of doing and building, the renewal of commitment, hard work and self-sacrifice.

We need total commitment and self-sacrifice to make PNG great and change. We must refocus ourselves on what it is to be people of this nation.

We must focus again on all things that make us special.

If we say we are proud to be Papua New Guineans, One People, One Nation and One Country, let us thank God for the past achievements, challenges and failures.

Let us ask God to bless

PNG and take ownership of God's word and work.

Let us translate Gods' wishes into reality and if we are in that position, let us share the vision of this great and wealthy nation.

It's a time to give on tenth of this great wealth back to God so that the church social service can be in better position.

The church workers

lives may improve, and the word can be preached richly in this great land.

Finally, knowing ourselves as a nation, let us unite on the basis of respect for all level of life.

As the mother of this nation, united we stand, divided we fall, united we rise and grow in building Christ relationship with one another.



TUMBUNA TRU! Ol pikinini bilong Roku praimeru skul insait long sentral province i kilim skin long danis tumbuna long taim ol i kisim halivim bilong Intaoil na tu ol i selebretim independens. Poto:Aja Potabe



Ol sumating bilong Sogeri Nesenel hai skul i soim kala bilong hailens long taim bilong independens. Poto: Wantok

"Promoting development for generations of Papua New Guineans"

OUR MISSION

PNGSDP promotes development that meets the needs of the present generation and establishes the foundation for continuing progress for future generations of Papua New Guineans

WESTERN PROVINCE VISION

By 2020, people achieve equitable socio-economic development so that Western Province is recognised as a model for development in PNG. By mine closure, new industries that support improved equitable development will replace the positive contributions of Ok Tedi Mine

OUR NATIONAL VISION

The lives of people in PNG are improved through the promotion of diversified and balanced socio-economic development which is driven, directed and owned by our strategic partners.

years strong

For more information
contact us on:

T: (675) 3203844
F: (675) 3203855
E: enquiries@pngsdpltd.com
W: www.pngsdpltd.com

Level 7, Pacific Plaza Building
C/o. Munro & Champion Parade
PO Box 1786, Port Moresby
National Capital District,
Papua New Guinea

TORO



BIABIA



KANAGE



TOKWIN

Ren bagarapim posta

PLANTI ol posta bilong ol
kenidet long Pot Mosbi i bin wet
long tupela de ren, dispela ol
posta ol mekim long pepa, plani
bilong ol ren i bagarapim nogut
tru.

Dispela em mak bilong yusim
narapela mani gen long mekim
nupela, na taim bilong kepen tu
em sot nau na planti ol kenidet
wok traim long karamapim
bikpela hap ples long kisim vot
bilong ol manmeri.

Dispela ren long Mosbi bin wasim

pes bilong ol kenidet gut tru wantaim posta bilong ol, planti manmeri long rot i tok larim ren wasim pes bilong ol, taim bilong ileksen yumi lukim kainkain pes na taim ileksen pinis dispela ol pes ya bai go hait na ren no inap wasim ol gen.

**Gutpela toktok kam long
kempen**

OL kenidet i wok long mekim ol
gutpela toktok long taim bilong
kepen, tasol ol dispela toktok bai
karim kaikai bilong em sapos ol
win long go long Waigani?

Dispela em bai askim bilong yumi

ol wanwan manmeri, dispela liklik
piga bilong yumi ol lain bai makim
long tupela minit tasol na namba
yu kamapim pinis long vot. Dispela
em no longpela taim laka, tasol
dispela wari na laikim bilong long
sevis yu ting bai yu kisim long tu-
pela minit olsem yu makim piga
bilong yu.

Tingting na save stap long yumi
wanwan manmeri, na sapos tingt-
ing bilong yumi orait na mak bi-
long vot bilong yumi orait kaikai
bilong em bai kam long tupela
minit tasol sapos askim bilong
yumi go long dispela man o meri
yumi makim.

A	T	B	H	F	H	G	T	M	Z	F	S	I	A	S	C	A
H	J	L	F	S	H	V	A	C	V	U	E	A				
K	S	E	S	L	A	L	K	I	W	V	E	A	A	J	L	A
I	T	F	A	E	A	S	F	L	V	V	A	A			M	I
	A	S	K	H	J	K		C	A	U	H			K	S	L
S	S	C	U	L			C	S	K	E	C	C	L	I	J	C
	C	F	H	K	H		V	J	T	C	S	A	A	N	I	S
A	T	V	C	J	S		W	A	T	C	F	A	T	F	F	A
L	I	A	L	J	A		M	A	S	E		L		L	L	K
I	T	H	S	C	H	I	K	S	H	E	F	H	C	T	A	C
S	A	A	H	S	S	S	C	E	H		F	E	P	O	E	C
S	J	B	K	S	D	C	V	I	K	A	E		I	A	I	S
A	V	E	C	H	H	I	L		A	S	E		S	L	L	S
I	K	A	A	L	K	K	B		B	E	S	S	A	L	A	A
T	S		C	F	D	A	T	I	S		F	H	T		C	M
Vy	S	E	A				Z	A	E	P	D	A	L	C	S	A
A	L		I	L	O	I	E	A	H		S	S	I	S	A	

Painim ol dispela toktok bilong ron long balus:

BALUS	AIR NIUGINI	AIRLINES PNG	MAF
ISLANDS NATIONAL	PLES BALUS	KAGO	TI
KOPI	JIUS	BISKET	SIA LET
SIA	TIKET	SEKIN	SEKYURITI
LA IP JAKET	EA HOSTES	PAILOT	SUTKES

2		4	9	6		1		5
	3			8				
	8	1				4	9	
7			1	4			3	9
		3		9		2		
9	6			3	2			1
	2	7				3	6	
				7			1	
3		6		1	4	8		

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

**Ansa
bilang
las wik
Sudoku**

**Ansa
bilang
las wik
Pasol**

EMTV Television Guide

MANDE 10 SEPTEMBER, 2012		TUNDE 11 SEPTEMBER, 2012		TRINDE 12 SEPTEMBER, 2012		EP#5/8	
4:45 AM	G AUSTRALIA NETWORK	4:45 AM	G AUSTRALIA NETWORK	1:00 – 1:40	GRADE 6 MATHEMATICS	5:00 AM	G JOYCE MEYER
5:00 AM	G JOYCE MEYER	5:00 AM	G JOYCE MEYER	1:50 – 2:30	GRADE 6 SCIENCE	5:30 AM	G TODAY
5:30 AM	G TODAY	5:30 AM	G TODAY	2:30 – 3:00	DEPI	9:00 AM	G CLASSROOM BROADCAST
9:00 AM	G CLASSROOM BROADCAST	9:00 AM	G CLASSROOM BROADCAST	3:00 PM	G KIDS KONA	9:00 – 9:40	GRADE 7 MATHEMATICS
9:00 – 9:40	GRADE 7 MATHEMATICS	9:00 AM	G EMTV SPECIAL - 9/11 – FIRE MAN'S STORY	3:00 PM	G DORA THE EXPLORER	9:50 – 10:30	GRADE 7 SCIENCE
9:50 – 10:30	GRADE 7 SCIENCE	9:57 PM	G EMTV TOKSAVE	4:00 PM	NEW MACDONALD'S FARM	10:40 – 11:15	GRADE 8 MATHEMATICS
10:40 – 11:15	GRADE 8 MATHEMATICS	10:00 PM	G SPORTS SCENE	4:30 PM	KITCHEN WHIZ	11:20 – 12:00	GRADE 8 SCIENCE
11:20 – 12:00	GRADE 8 SCIENCE	10:30 PM	G EMTV NEWS REPLAY	5:00 PM	G FUNNIEST HOME VIDEO SHOW	1:00 – 1:40	G GRADE 6 MATHEMATICS
1:00 – 1:40	GRADE 6 MATHEMATICS	11:00 PM	AUSTRALIA NETWORK	5:30 PM	TRAPPED #21	1:50 – 2:30	GRADE 6 SCIENCE
1:50 – 2:30	GRADE 6 SCIENCE			6:00 PM	G NATIONAL EMTV NEWS	2:30 – 3:00	DEPI
2:30 – 3:00	DEPI			7:00 PM	G HAUS & HOME #21	3:00 PM	G KIDS KONA
3:00 PM	G KIDS KONA			7:30 PM	G BUSINESS PNG EP#15	3:00 PM	DORA THE EXPLORER
3:00 PM	DORA THE EXPLORER			8:00 PM	PGR TERRA NOVA S1 – Ep# 5/13 – The Runaway	3:30 PM	NEW MACDONALD'S FARM
3:30 PM	NEW MACDONALD'S FARM			9:00 PM	PGR EMTV SPECIAL: 9/11 - Emer	4:00 PM	THE SHAK
4:00 PM	THE SHAK			10:00 PM	PGR LEGENDS OF THE SEEKER S2	4:30 PM	MR. MAKER
4:30 PM	KITCHEN WHIZ				Ep# 14/22 – Bound	5:00 PM	G FUNNIEST HOME VIDEO SHOW
5:00 PM	G FUNNIEST HOME VIDEO SHOW				G EMTV NEWS REPLAY	5:30 PM	G TRAPPED #22
5:30 PM	G TRAPPED #20				G AUSTRALIA NETWORK	5:57 PM	G CRIME STOPPERS
5:57 PM	G CRIME STOPPERS					6:00 PM	G EMTV NEWS REPLAY
						7:00 PM	G THE WORLD AROUND US – TBA
						8:00 PM	G PENN & TELLER – FOOL US –

Program bai
senis long taim
bilang en..

**Program bai
senis long taim
bilang en..**

Chris Owens i kisim luksave

Don Niles i raitim

WANPELA man husat i yusim taim na laip bilong em long wokim ol filim o ol dokumenteri o ol muvi piksa long ol kain kalsa na pipel bilong PNG long las 40 yia i nau kisim luksave.

Dispela man em Chris Owens husat i bin kisim Logohu luksave awot long gavman bilong PNG.

Planti pipel long PNG na moa yet, ol lain i stap insait long wok bilong mekim muvi long PNG bai save long dispela man.

Long dispela yia Ogas de namba 30, Hai Komisina bilong PNG long Australia, Charles Lepani i bin prisening wanpela luksave medol i go long Chris long Kenbera (Canberra), Australia. Em bin makim Gavana Jenerel bilong PNG, Michael Ogio bihainim tok orait bilong Kwin Elizabeth 11, em hetmeri bilong ol Komonwelt kantri long wol we PNG i wanpela long ol. Aninit long dispela Logohu Awot, Chris i kamap Opisa long Oda bilong Logohu (OL) long ol sevis em bin mekim long komyuniti insait long las 37 krismas taim em bin dokumentim ol filim o muvi piksa long ol ris kalsa bilong PNG. Na tu, rot we ol kain kalsa i go insait long ol tumbuna pasin na ol nupela senis bilong tude.

Mama i bin karim Chris long Birmingham, Yunaitet Kingdom (UK) o Ingran. Bihain long em i bin skul long UK na Australia, em bin go skul long Birmingham Kolis bilong At na Disain na greduet wantaim Diploma long Visuel Komyunikesen (Poto Jenelisim/sinematografi) long 1971. Em i go bek long Australia long sotpela taim, na i kam long PNG olsem sinematografa, saun rekodis, krietiv potografa na dispela atis wantaim Turis Bot long 1973 inap

long 1975.

Long 1976, em bin joinim nupela Institut ov PNG Stadis (IPNGS) bodi ol i statim olsem residen filum meka. Ol bin givim em tu wok lo ng statim program bilong wokim ol filim o muvi piksa program, wokim ol dokumenteri na lukautim ol kain kalsa bilong Melanesia na putim ol long filum o piksa, na tu, trenim ol PNG manmeri husat i laik kamap ol piksa meka.

Em bin wok na stap long IPNGS inap long 2000 taim em bin trense i go long Goroka taim em i kisim wok olsem Dairekta bilong Nesenel Filum Institut (NFI).

Chris i bin wok hat tu long bildim bek NFI long wanem, paia i bin kukim dispel long 1996 taim ol bin kolim dispela Skul bilong Wokim Piksa. Em bin helpim na go pas long wanpela tim bilong ol filum meka bilong Melanesia, na wok long lukautim kontemporeri histori long piksa bilong PNG. Chris i bin stap wok long Goroka inap long 2010 taim sik i kisim em nae m i ritaia long mun Julai long dispela yia.

Chris i bin wokim planti piksa bilong PNGH na pipel we planti lain i save long ol na ol i laikim. Sampela bilong ol em: *The Red Bowmen*, *Gogodala: A Cultural Revival?*, *Malangan Labadama: A Tribute to Buk Buk*, *Tukana: Husat i Asua?*, *Man without Pigs*, *Bridewealth for a Goddess*, *Lukautim Bus*, *Betelnut Bisnis*, and *Kirapim Wok Piksa Hia long PNG, na moa*.

Moa long dispela, Chris i bin wok wantaim ol narapela lain i save wokim piksa long PNG na ovasis long mekim ol dispela piksa olsem: *Yumi Yet*, *Angels of War*, *The Sharkcallers of Kontu*, *First Contact*, *Anthropology on Trial*, *Cowboy and Maria*, *Cannibal Tours*, *Joe Leahy's Neighbours*, *Black Harvest*, *Napalunga*, and

Strong Connections, na moa.

Chris em bin komitim laip bilong em long wok em i mekim, na em i no olsem em i mas mekim wok, nogat. Em i putim olgeta tingting, laik na komitmen long mekim wok we em i laik long mekim long en. Nogat planti lain tude i save gat dispela kain komitmen.


Nau, Chris i save stap long Kenbera. Bikpela wari em i gat long en em long stretim gut na putim gut ol piksa, ol vidio na ol narapela rekot long histori na kalsa bilong PNG long akaiv. Em i laikim tu ol ovasis institusen long salim o kisim i kam bek ol long PNG ol dijitel kopi long ol filum na ol atifek bilong PNG.

Filum meka long PNG, Martin Madden i tok olsem long Chris, "Mi no save long narapela kalsa we ol pikinini bai kisim ol piksa we Chris i givim long ol pipel bilong PNG". Martin i save kisim planti luksave ovasis long ol muvi piksa em i mekim long PNG, na em i rait taim tu long luksave long ol wok em i mekim long PNG.

Nem bilong Chris i bin stap tu long lista i kisim 2011 Nu Yia Awot bilong Kwin, tasol sik i mekim na em no bin inap long kam. Olsem na ol bin salim luksave awot bilong em i go long Hai Komisina opis long Kenbera na ol i prisening i go long em.

Olgeta wanwok n a poroman long PNG na ovasis i amamas tru olsem PNG i givim luksave na namba long Chris olsem.

"I nogat narapela man tasol yu yet inap long kisim dispela luksave long bikpela na gutpela wok yu mekim long PNG long planti yia. Na ol dispela kontribusen bai stap longpela taim. Mipela i amamas long yu, Chris!" Ekting Dairekta bilong IPNGS na sinia Etnomusiolojis, wanwok na pren bilong Chris, em Dokta Don Niles, i tok.



KISIM LUKSAVE: Chris Owens i kisim luksave awot long PNG Hai Komisina long Australia, Charles Lepani, long Kenbera, Australia.



YANGPELA BILONG EM: Chris Owens long yangpela bilong em i wok long PNG.

Nupela risets sip i kam long Westen Provins

OL LOKOL komyuniti long Westen Provins i gat nupela sip ol i kolim MV Flai Eksplora (Fly Explorer), we em i bin kam kamap long Kiunga bipo long las wik Sande.

Makim maus bilong ol viles husat i save benefit long Ok Tedi Komyuniti Main Kontinuesen Agrimen (CMCA), Ok Tedi Developmen Faundesen (OTDF) i bin go pas long disain, konstraksen, na delivari bilong dispela nupela sip.

CMCA Tras Invesmen Fan i baim dispela sip long Singapore long mani mak 2.35 milian Amerikan dola.

MV Fly Explorer em i wanpela sip bilong mekim ol risets wok na longpela bilong en em i 30 mitas. Ok Tedi Maining Limited (OTML) bai haiaim o satarim dispela sip bilong CMCA long mekim ol envaironmental stadi, sekim Flai Riva na mekim ol arapela risets wok o wok panimaut long sekim sapos ol samting bilong maining i no bagarapim Flai Riva, Striklan Riva, na Fairfax Harbour long Mosbi.

Fly Explorer i gat wanpela labrotari, woksop, opis, 12-pela kebin o rum bilong ol saintis na tu ol arapela samting long mekim ol envaironmental stadi.

Stat long yia 2013, ol Komyuniti Rilesen Dipatmen wokman bilong OTML bai yusim dispela sip tu long karimaut ol komyuniti patrol o sekim ol komyuniti, we ol i save mekim olgeta tupela yia.

Sip disain kampani bilong Singapore, Shiptech, i bin disainim dispela sip pastaim long kampani bilong mekim sip, Sarawak Slipways, i mekim dispela sip long Miri, Malaysia na nau V Ships, wanpela bikpela flit menesa bilong sip, i lukautim o menesim dispela sip.

Taim ol i kisim MV Fly Explorer i kam insait long Westen Provins, nupela Westen Provins Gavana Ati Wabiro, Saut Flai Mamba na Deputi Palamen Spika, Aide Ganasi, wantaim OTDF siaman Nigel Parker, OTDF Sif Eksekyutiv Opisa Ian Middleton na OTML & PNG Sastenebel Developmen Proqram Limited Siaman Profesa Ross Garnaut, na ol arapela dairekta bilong ol CMCA viles, i bin wet i stap long kisim dispela nupela sip.

Parker, husat i OTML Menesing Dairekta na Sif Eksekyutiv Opisa wantaim, i

tok dispela kain invesmen long makim olgeta pipel bilong Westen Provins, em i wanpela kain namba wan samting long lukautim gut mani ol i kisim long maining projek na larim olgeta manmeri long komyuniti i kisim wankain benefit long en.

Em tok tu olsem dispela i soim olsem OTDF kisim ol gutpela samting i go bek long komyniti, na larim ol manmeri i kisim benefit long Ok Tedi main.

"Em i namba wan samting olsem OTML i sapotim dispela kain ol gutpela invesmen CMCA na ol komyuniti patna bilong yumi i mekim long gutpela bilong olgeta manmeri Westen Provins long larim ol i kisim gutpela samting long stretim laip bilong ol yet," Parker i tok.

Gavana Wabiro, taim em i amamas long toktok bilong Parker, i tokaut olsem gavman bilong en bai wokbung wantaim olgeta kampani na developmen patna long Westen Provins.

"Mi laik tok tenkyu long Ok Tedi Developmen Faundesen long kamapim dispela kain gutpela tingting long baim dispela sip, MV Fly Explorer, long sekim gut wara na ol envairomen samting long Flai Riva, na tu long mekim bisnis.

"Dispela kain invesmen i ken kisim sevis i go daun long ol pipel long ol komyniti, na mi stap redi long wokbung wantaim ol kampani na developmen patna long senisim laip bilong ol manmeri long Westen Provins," Wobiro i tok.

Long wankain taim, Middleton i tok OTDF i redi long wok wantaim Flai Riva Provinsal Gvaman na aprovisal administresen long bringim moa benefit i go long ol pipel.

Em i tok tu olsem MV Fly Explorer bai stap long hai bilong OTML, we 8 pesen bilong mani OTDF i bin yusim long baim dispela sip bai ol i mekim gen olsem winmani long wan-wan yia.

Ol dispela winmani bai go long mekim ol arapela wok na ol projek bilong ol CMCA komyuniti.

MV Fly Explorer em i namba tu bilong tripela sip OTDF i makim maus bilong ol CMCA komyuniti na baim.

Namba wan sip, MV Fly Hope, bilong karim ol pasindia manmeri, we ol i kisim pinis long mun Epril, taim namba tri sip, MV Fly Warrior, bilong karim ol bikpela kago na fiul, bai ol i kisim sampela taim dispela yia.





Nesenal Fisasir Atoriti

Tok Amamas!

Long Papua Niugini long 37 Yia Independens Bilong Mipela. I kam long Nesenal Fisheries Atoriti Bilong Papua Niugini

Wok bilong mipela em long lukautim na menesim fisasir na marin risos bilong yumi insait long kantri. Mipela i lukautim na luksave long husat i laik kisim ol pis na kaikai long solwara bilong PNG, i ken tu kisim gutpela benifit i kam long ol risos ona, **ol fisasir sekta stekhola**, Gavaman na olgeta Papua Niugini lain.

Fisasir sekta nau i mekim bigpela kontribusen i go long Nessnal Ikonomi. Nesenal Fisasir Atoriti insait long Papua Niugini i bin lukautim na kirapim dispela sekta gut tru. Fisasir sekta i bin groa hariap tru bikos ol i bin promotim Bisnis i go insait long kamapim ol prodak long kantri yet na long wankain taim tu, ol i bin lainim ol lain long lukautim gut ol fisasir risos.

Nesenal Fisasir Atoriti i mekim na PNG nau bai amamas tru go insait long ol maket long Yuropien Yunien fri olsem wanpela gutpela atoriti.

Insait long 10 pela yia olgeta, Nesenal Fisasir Atoriti i bin kamapim fisasir developmen na infrakstraksa, gutpela projek, prosesin plent, akwakalsa developmen, risets fasiliti, kapasiti building na intanesenol fisasir koporesen/agrimen.

**Yupela i ken gat wanpela Gutpela na Seif 37th Independens Anivesari
Selebresen, Papua Niugini!**

Tok Orait i kam Long:

**SYLVESTER BARTHOLOMEW POKAJAM
Manesing Dairekta.**



BSK...Yu yet kam na pilim

PLANTI nupela lain husat i go long Basamuk i save guria stret na opim ai tru long bikpela developmen we i kamap long Ramu NiCo Rifaineri, na tu ples we ol wokman meri bilong Ramu NiCo i save stap long en.

Haus slip bilong ol Ramu NiCo wokman meri em i smat moa yet na winim tru ol arapela main insait long PNG.

Basamuk em i stail moa yet na i winim ol arapela developmen long arapela hap bilong kantri na tu long Saut Pasifik.

Rot long Basamuk insait long Rifaineri eria i go long olgeta seksen em simen tasol. Na kwaliti bilong dispela simen rot em i strong moa na i winim simen rot ol i wokim long Lae siti. Simen bilong Basamuk bai stap longpela taim tru bikos ol savemen bilong China yet i miksim simen wantaim laimston na wokim na ol bikpela tan trak tu i save ron antap long en olgeta haua na de, na simen ya em strongpela tru.

Narapela nupela samting we bai opim ai bilong ol ausait lain em ol bikpela bas we i save karim ol Ramu NiCo wok lain i go kam long sift wok bilong ol long nait na de taim. Dispela ol bikpela bas i kam yet long China na

yu no inap lukim kain bas olsem long narapela hap long PNG, bai yu lukim em i stap tasol long Basamuk long Raikos stret.

Dispela ol bikpela bas i gat ea-kondisen insait long tu i gat bikpela spes long ol lain i ken sindaun na go long wanem seksen bilong ol long wok.

Ramu NiCo i no salim ol ekspot long nikel na kobalt i go ovasis yet, tasol wei em i go long kamapim developmen em i narakain tru. Planti ol westen lain long Australia na Yurop ating bai surik tru taim ol i lukim kain wok ol lain China i wokim. Ol bagaros ya i no save malolo, ol i minim bisnis stret na i no pilai kaskas nabaut.

Planti ol lain bilong Gavman bilong PNG, husat i go lukim ol bikpela developmen long Basamuk i tokaut stret olsem kain infrastraksa developmen we ol China i wokim wantaim ain na simen i strong tumas na i winim ol arapela kain maining projek insait long PNG.

Dispela Ramu NiCo Projek i pinisim wok konstraksen bilong en na i muv i go insait long operesen na klostu taim bai lukim ol nikel na kobalt bilong Kurumbukari we i ron i go daun bihainim 135 kilomita paiplain bai go ovasis.

Ramu NiCo wok lain i laikim fres pis bilong Yabob

James Kila i raitim

OL ASPLES pipel bilong Yabob viles, we i stap arere tasol long Madang taun i save bringim yet ol fres pis ol i hukim long solwara i go long mes bilong Ramu NiCo (MCC) long Handy Mat long salim.

Plantai taim ol wok lain bilong mes long Seksen 95 we Ramu NiCo 'Glass Haus' i stap long en i save laikim ol rif pis na ol pis we ol wok lain bilong ol bilong China i save laik long kaikai. Olsem na plantai taim ol mama bilong Yabob viles long liklik ples olsem Morelang, Mareg Ailan na Yabob Ailan i save hukim ol dispela pis na bringim i go long salim long mes bilong Ramu NiCo.

Plantai taim ol mama i save amamas bikos, ol i no save westim taim long karim ol dispela pis i go daun long daun na sindaun long bikpela san, na wet long ol lain i go baim pis bilong ol.

Taim ol i bringim i go long Ramu NiCo mes, ol woklain bilong mes olsem supavaisa Joe Haveapo na mes bosman, Xu Changyu em planti wokmeri na sipsip bilong em i save kolim 'Fada Xu' i save skelim long skel na bihain givim mani long ol lain husat i bringim pis i go.

Joe i tok olsem Ramu NiCo mes i save baim K10 long wan wan kilogrem bilong ol pis ol lain i bringim i go long ol.

Em i tok plantai taim ol lain wokman meri bilong China husat i stap wok long 'Glass Haus' save laikim tru teist bilong ol pis olsem Red Empira, Gropa pis, blue rif pis na tu Spanish Mekerel.

Poto long antap i soim Spanish mekerel pis wanpela mama bilong Yabob Ailan i pulim long maus bilong Gum wara. Hevi bilong pis ya em 14-kilogrem na mama ya i amamas long kisim K140 bilong em na wokabaut i go bek long ples.



Ministri ov Fisaris na Marin Risos

Mi, Hon Mao Zeming, Minista bilong Fisaris na Marin Risos i laik tok amamas i go long,

Olgeta lain bilong Papua Niugini, ol lain bilong mi long Tewai Siassi na olgeta Fisaris Risos onas, Industri na stekholda olsem yupela i ken gat wanpela gutpela na Seif 37th Independens Anivesari Selebresen!!

Me olsem wanpela nupela man husat ol i bin makim mi long lukautim Fisaris na Marin Risos insait long Papua Niugini, i amamas long tokaut olsem Nesenel Fisaris Atoriti em wanpela gutpela stetutori bodi insait long PNG. Wok bilong en em long lukautim fisaris na marin risos nau na bilong bihain taim tu.

Insait long 10 pela yia olgeta, em bin kontributim planti ol gutpela mani i go long nesenol ikonomi.

Tok Amamas i go long Papua Niugini long 37 yia yumi kamap na stap Indipenden

Tok Orait i kam long:

Hon. Mao Zeming
Minista bilong Fisaris na Marin Risos



Ramu NiCo helpim wok bilong Helt long Saidor

MODILON Jeneral Hausik na Madang Provinsal Helt Edministresen i givim bikipela tok tenkyu na amamas i go long Ramu NiCo, bikipela divelopa bilong nikel/kobalt projek long Madang provins long gupela helpim na sapot em i givim.

Dispela tok tenkyu bilong ol helt atoriti long Madang em bihain long Ramu NiCo i givim feri o sip bilong en 'mv Carrie' long helpim ol helt atoriti long go aut long mekim rurel autris progrem bilong en long Saidor, long Raikos distrik long Madang provins.

Dispela helpim Ramu NiCo i givim em fri tasol na i soim tru helpim dispela bikipela kampani i givim long sapotim helt bilong ol manmeri na pikinini insait long projek eria bilong Ramu Projek long Madang.

Mv Carrie em sip bilong Ramu NiCo, we i save karim ol wok lain bilong Ramu NiCo go kam long Basamuk we bikipela rifaineri bilong Ramu NiCo i stap long en long Raikos distrik.

Ekting Sif Eksekutiv Opisa (CEO) bilong Modilon Jeneral Hausik, Dokta Vincent Atua i raitim wanpela tok tenkyu leta tu go long menesmen bilong Ramu NiCo long givim tok tenkyu bilong ol i go long kampani long gupela helpim em i givim long halivim ol medikol tim bilong Madang long go long Saidor.

Ol medikol tim em tupela dokta, tupela dental therapist, wanpela pamasist, wanpela baiomedikol ikwipmen teknisen, tupela ai nues, tripela sapot nes, wanpela TB kontrol opisa na wanpela vasektomi nes.

Dokta Atua i tok olsem ol helt wokman na ol manmeri long Saidor i amamas tru na givim bikipela tok tenkyu long dispela wok raun bilong ol lain bilong Madang.

Em i tok mak olsem 263 sik lain em ol medikol tim bilong Madang i sekim ol na givim marasin na wok i go insait long olgeta.

Planti ol sik lain i bin tok olsem ol i no bin kisim ol kain helpim moa long 10-pela yia na ol i amamas olsem medikol tim bilong Madang i go lukim ol.

Dokta Atua i tok olsem ol lain Saidor komyuniti i no amamas tumas bihain bikos medikol tim bilong Madang i stap sotpela taim na i gat moa sik lain yet long lukim. Tasol i amamas tasol olsem ol gupela medikol lain i ken go givim helpim long ol.

"Ol lain long Saidor i amamas long bungim mipela bikos planti taim em i dia tumas long ol lain i gat sik i go long Madang long lukim wanpela dokta," Dokta Atua i tok.

"Bikipela samting, em dispela wok raun bilong mipela em i kamap gupela tru," Em i tok.

Medikol tim bilong Madang i bin ron long autobod moto i go long Ileg Helt Senta na bihain kisim mv Carrie i go long Bawak/Tire Helt Senta we ol i stap moa long wanpela wik. Insait long dispela taim ol i lukim 772 peisens o lain husat i laik kisim marasin na ol i halivim ol.

Dokta Atua i tok em i bikipela laik tru bilong Modilon Jeneral Hausik go aut long lukim ol pipel long Raikos distrik, na ol i amamas tru olsem Ramu NiCo i givim helpim long bringim ol helt wok lain i go long sip bilong en.

Em i tok kain helpim Ramu NiCo i givim medikol na helt atoriti long Madang em gupela tru na kain wok-bung i mas kamap gen long bihain taim.

Dokta Atua i tokaut tu olsem ol medikol wokman meri i amamas tru long kain wei we kepten bilong mv Carrie, Eugene Katao i kontrolim sip. Maski bikipela solwara i kirap, kepten Eugene i kontrolim sip gut tru na bringim ol medikol wok lain i go seif stret long Saidor long mekim wok bilong ol. Olgeta medikol wok lain i amamas long ron antap long dispela stail ea-kondisen sip bilong Ramu NiCo.

Ramu NiCo i save givim helpim long helt long Ganglau helt senta klostu long Basamuk wantaim saplai bilong marasin. Wankain helpim tu em i save mekim long liklik eid pos long Enekuai

Long mun Mas dispela yia Ramu NiCo Komyuniti Afes dipatmen i helpim wanpela helt patrol tim bilong Ileg Helt Senta husat i mekim patrol long givim sut marasin long ol pikinini na ol yangpela meri na mama long Basamuk na ol komyuniti klostu. Ramu NiCo i givim haus long dispela helt patrol tim long slip na mekim wok bilong ol.

Dispela sip mv Carrie i gat gupela rekot long sevim ol lain husat laip bilong ol i stap long bikipela hevi tru. Long stat bilong dispela yia em i helpim long karim wanpela lokal man long Basamuk, husat pig i kaikaim bodi bilong em. Feri ya i bringim man na i go long Modilon hausik long kisim helpim.

Long dispela yia yet ol Ramu NiCo wok lain long Basamuk i helpim wanpela mama i gat bel we wanpela brata bilong em i sutim em wantaim spia-gan. Dispela sip tasol i brukim tudak na bringim mama ya i go long Modilon Hausik long sevim laip bilong em. Ating, sapos turangu mama ya i stap long ples, em bai dai pinis, tasol dispela sip tasol wantaim gupela sapot na luksave bilong ol lain menesmen bilong Ramu NiCo long Basamuk tasol i sevim laip bilong mama ya wantaim bebi long bel bilong em.



Ol medikol tim bilong Madang I redi long kalap long feri bilong Ramu NiCo, 'mv Carrie' long bris long Madang.



Ol medikol tim I givim marasin long ol peisens long Saidor

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

**Wanpela
Ramu NiCo,
Wanpela
Komyuniti**

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta



Mama long Bom ples lainim agrikalsa bisnis wok



Ol mama bilong Bom ples i lukluk long model fama William Wageng i redim graun long kukim na rausim ol binatang. Poto: James Kila

James Kila i raitim

MOA long 30-pela meri na ol mama bilong ples Bom insait long Astrolabe Be lokal level gavman (LLG) long Raikos distrik long Madang provins i bin amamas tru long kisim skul na trening long groim ol kumu na sayor long las wik Fonde.

Ol mama na yangpela meri i bin sindaun na kisim gupela toktok long wesam long nam-bis wantaim naispela kol-win bilong solwara tu i blo i kam na mekim ol i amamas long lainim ol nupela samting.

Dispela trening Ramu NiCo Agrikalsa treina, Aldam Bande i givim ol i lukluk long wanem rot wok bilong ol mama long planim kumu long gaden i ken helpim ol gut long bihain. Moa long en tu ol i lainim gupela rot long redim graun long planim ol sid bilong ol kumu pastaim long ol i planim long gaden.

Planti long ol mama i amamas long harim ol toktok long rot bilong planim ol nupela kain kapis na bin bilong Saina na tu ol i askim planti kwesten long Mista Bande.

Trening ya i karamapim tu ol samting we i toktok long gupela rot long kamapim ol kumu we i gat stap helti n agro gut, na wanem ol lokal samting ol mama i ken yusim olsem fetelaisa o marasin long givim gupela gris long graun.

Fud Sekuriti em bikpela samting Ramu NiCo i laik promotim insait long ol projek impek eria bilong en long Usino-Bundi na Raikos distrik long Madang provins.

Olsem na wanem trening we i kamap namel long Bom

viles em long helpim ol mama insait long Kostal Paiplain eria bilong Ramu Projek long holim strong wok bilong groim kumu na sapos i gat nid i kamap long ol mes bilong Ramu NiCo long Kurumbukari na Basamuk, ol mama i ken redim ol yet na salim ol kumu ya i go long katering kampani NCS-Raibus na kisim mani long helpim wanem grup bilong ol we i ogenais pinis.

Bom viles em wanpela naispela ples we ol manmeri i save wok bung na harim tok na mekim samting. Olsem na planti taim ol developmen patnas i save laik wok klostu wantaim ol.

Long dispela yia yet, Ramu NiCo agrikalsa seksen i bin bringim ol teknikal saveman bilong Japanis Intanesenel Koporesen Ejensi (JICA) i go

Rais em i no tumbuna kaikai bilong yumi ol pipel bilong PNG, tasol insait long las 40 yia i go pinis, dispela kaikai i go strong tru na planti lain tru insait long PNG i save kaikai rais. Long ol bikpela taun na tu long ol rurel ples, rais i kamap olsem wanpela namba wan kaikai bilong ol pipel bilong yumi

Yes, rais nau i kamap olsem wanpela stepel kaikai, o min olsem moa pipel i save laikim rais na em i kamap olsem kaikai tru bilong yumi lain bilong PNG.

Insait long Madang provins, sampela komyuniti long rurel eria i go het long planim rais na milim na kaikai wantaim femili bilong ol.

Wanpela long ol dispela komyuniti em bilong Bom viles, long Bugati eria long Astrolabe Be lokal level gavman long Raikos distrik long Madang provins.

Why pay 30% PLUS interest rates ?

TISA Loans

"Designed especially for members financial needs. You can loan for a minimum of K200 to a maximum of K100,000 depending on your savings with an interest rate of 1% per month and repay over a maximum 36 month period."

✓ **LOWEST INTEREST RATES
& LOWEST FEES.**

SERVICE
with a
SMILE!

12% INTEREST
PER ANNUM

36 MONTH
REPAYMENT
PERIOD



watch
your savings
grow

Head Office

P.O. Box 319, Waigani, NCD

Level 1-2, Haus Tisa, Sir John Guise Drive & Kumul Ave

Papua New Guinea

Phone: (675) 325 7599 or 300 2200


Facsimile: (675) 325 7679

Email: marketing@tisl.org.pg

Website: www.tisl.org.pg

TISA
TEACHERS SAVINGS AND LOAN SOCIETY LIMITED

Not for Profit, Not for Charity, But for Service



TOKSAVE: Salim ol spots dro bilong yu kam long Feks; 325 2579, e-mel;nbernard@wantok.com.pg o kam lusim long Wantok Niuspepa opis long Central Waigani, NCD.

Barbara winim luksave bilong ol arapela pilaia

BEN Barba i soim olsem 2012 kempen wantaim Ken-teberi fulbek i karim kaikai taim em i kisim pilaia bilong ol pilaia long anuel Ragbi Lig Prefesenel Asosiesen Awot nait.

Long las wik, ol bin mekim em olsem Daily M Pilaia bilong ol pilaia long laswik long awot we ol midia jas i bin putim em olsem man i bin pilai moa gut winim ol narapela wan-lain bilong em, tingting we ol narapela poroman bilong em i wanbel tu long en.

Ol vot long lista i sanap olsem 3-2-1 long oposisen tim bihain long wan wan gem, tasol gutpela pilai bilong Barba i mekim em olsem em i wina stret.

Ol narapela wina bilong awot pastaim em long Jar-ryd Hayne, Petero Civoneciva. Jonathan Thurston na wina bilong las yia, Akuila Uate bilong Nu Kasel.

Ol narapela husat i bin kisim luksave em long haf-

bek bilong Saut Sidni, Adam Reynolds na winga Josh Mansour bilong Penrith husat i bin join wina long ruki pilaia bilong yia awot.

Jonathna Thurston husat i pilaim faiv eit i bin winim ripresentativ pilaia bilong yia bilong Australia taim Jason Nightingale bilong Sen George Illawwara flaia i bin kisim Nu Silan ripresentativ pilaia bilong yia awot.

Ol Dregon i bin rekim ol Edukesen na Welfe kategori o level na klab i bin kisim tim awot na bek rova Ben Creagh i bin kisim awot.

Ol bin givim luksave long Brisben pro husat i wok long ritaiia o lusim pilai, Civoneciva long pilaim namba 300 gem long klab taim sampela ol pilaia bilong bipo na nau Stet bilong Orijin pilaia i bin kisim tu luksave na go insait long Orijin Gol Klab. Em ol pilaia olsem Dale Shearer, Paul Vautin, Andrew Johns, Glen Lazarus na Hayne.



BARBA: Em i winim luksave long ol wan-pilaia bilong em insait long Nesenel Ragbi Lig (NRL) resis bilong 2012, taim em i winim Dally M awod. – **POTO:** AAP Images

Raider senisim lainap bilong birua bilong Croker

JOEL Thompson na Josh Dugan i redi tasol long kisim ol salens bilong tim bilong ol Canberra long nokaut pilai wantaim South Sydney long dispela Sarere.

Jarrod Croker kisim bagarap long sait bilong maus bilong em long Sande 34-16 win taim ol bin pilaim ol Cronulla.

Kosa bilong Raiders David Furner, i makim pinis 20 pilai man bilong em long Tunde, em muvim Thompson long bek row go long namba 3 jesi long kisim ples bilong Croker, tasol em wetim wanpela moa de long makim wanpela bi-

long tripela man, Dugan, Reece Robinson o Blake Ferguson long kikim gol.

Dugan, husat gat 68 pesen long NRL levul long kikim gol, em save kik tu long anda 20 na em bai ron long fran long taim bilong makim husat bai kikim gol.

Dispela tripela kendet bilong kik gol bai wetim tasol tok orait bilong kos Furner, taim em bung wantaim bipo gol kika Daryl Halligan.

Dugan i bin kisim bagarap na i no bin pilaim sampela gem bilong em tasol em tok em ken kisim extra wok sapos ol givim long em.

Las taim Canberra bin kisim South Sydney, Dugan i no bin pilai, em bin stap long saspem na lukim tasol pilai long TV long haus bilong em.

Dugan, tok taim em lukim tim bilong em lus long South Sydney long TV na em toke m ken mekim sampela senis sapos em no saspem.

Em tok tu olsem dispela wiken em bikpela gem na sapos ol winim dispela gem em bai wanpela gem tasol bipo long gren fainol.

Thompson, long dispela taim i paul liklik taim ol nemim em long pilai long Senta long dispela gem bilong ol long

dispela wiken.

"Mi pilai tupela sisen long namba wan gret na mi gat bilip long mi yet long pilai" Thompson i tok.

Em tok tu olsem i pilai long lep sait olgeta yia na dispela bai mi go pilai long rait sait gen.

Raiders tu kisim yangpela winga bilong ol Jack Wighton long pilai long dispela wiken, Jack, i gat bikpela spit bilong em.

Long pilai bilong wantaim South Sydney long namel bilong yia, Raiders bilong lus long dispela gem 36-18 long ANZ stadium.



SPOTS DRO

SEMI FAINOLS

Fraide : Septemba 14, 2012



Allianz Stadium 7.45pm



Manly V^s Cowboys

Sarare: Septemba 15, 2012



ANZ Stadium 7.45pm



Rabbitohs V^s Raiders



SENISIM CROKER: Raiders i painim man bilong senisim Croker olsem kika, na Josh Dugan em namba wan man kosa David Furner i lukluk long en. – **POTO:** AAP Images

Manly bai lukluk long pait bilip bilong ol



STRONG BI-LONG MANLY: Strong bilong Manly i hait i stap, na ol tim long fainols resis i no aipas long ol premia bilong las yia. – **POTO:** AAP Images

Long dispela sisen olgeta, Manly bin pilai kam inap mak olsem wantaim planti pilaia bilong ol i bin i gat injuri na saspensen. Long dispela wik fraide, manly bai pilai wanpela du-o-die semi-fainols gem wantaim Not Kwinlsan.

Steve Matai em wanpela pilaia we i stap long saspensen na bai nonap pilai. Namba tu kapten bilong Manly Jamie Lyon bai nonap pilai tu sapos em i no pinisim gut trenin sesen long Fonde bilong wanem em tu i gat kaf injuri.

Manly i bin kisim ples insait long top foa taim gem i bin go insait long fainols. Dispela longpela rot long kam bilong ol i bin kamap gut bihain taim planti pilai bilong ol bin kam na pilai wantaim. Em wanpela tim we olgeta pilaia i no bin pilai wantaim long planti gem tasol ol bin strong tru na kam inap mak olsem.

Tasol dispela i no mekim Kosa Geoff Toovey na Fulbek Brett Stewart wari bilong wanem tupela i bilip olsem ol nomol long ol lo pilai gem we planti pilai save kisim injuri. Mi-

plea bin kisim planti hevi tru long dispela sisen. Taim pastaim kosa bilong mipela Des Hasler i lusim mipela, planti wokman tu bin bihainim em go. Miplea bin kisim taim tru antap long ol dispela olgeta hevi taim Glen Stewart kisim injuri. Mekim olgeta go hat olgeta, Tony Williams bin kisim 7pela wik saspensen olgeta. Tasol mipela i bin pilai strong na mipela i no larim hevi i daunim mipela. Mipela i save long sanap strong taim dispela kain hevi i kam long tim bilong mipela. Olsem na mipela bai pilai strong bilong wanem dispela kain hevi i no nupela long mipela.

Kosa Geoff Toovey i tok sapos Jamie Lyon i hat long pilai, em bai nonap pilai bilong wanem nogut injuri bai go bigpela. Em tru olsem Steve Matai tu bai nonap pilai tasol me no wari. Jamie Lyon tu bai nonap pilai sapos injuri i go bikpela.

Tasol em i gat bikpela bilip olsem Manly bai strong yet. Tupela man wantaim pilai o nogat, em no wari tumas. I gat planti man husat i ken

pilai wantain gem olsem ol. Ol tu i gat inap strong na experanse long ksim posisen bilong ol man husat injuri. Tasol ol dispela pilaia husat bai kisim ples bilong ol injuri pilaia mas pilai strong na soim kala bilong ol.

Plantilong ol dispela pilaia me toktok long em bin pilai long fainols las yia na ol i save gut au lo piloi ol dispela kain gem long dispela taim. Me save tru olsem ol i ken pilai gut.

Wanpela bilong ol dispela pilaia em Dean Whare husat bai kisim ples bilong Steve Matai. Tasol Dean Whare i tok aut olsem em i tru ol bai misim Steve matai insait long tim bilong ol taim ol i pilai long fraide. Em wanpela gutpela pilaia long strong difens na save soim amamas insait long ol gem em save pilai. Na dispela em samting we mipela bai misim.

I nogat wanpela man husat i ken pilai olsem Steve i stap insait long tim bilong mipela. Miplea bai mekim planti moa samting long kisim peles we em bai lusim long em.



Sat long ol ol wok redi long ol Provinsal Gem o Pilai

LONG 2003 taim ol bin statim ol PNG Gem, planti long ol provins i nogat o i gat liklik improvmen long redim ol samting bilong ol gem.

Dispela em sore pasin taim ol planti samting wanpela mas tingim na mekim pastaim long salim tim I go long ol pilai ya.

I kam inap nau, yu can tingim tasol kos bilong ol samting i wok long go antap, na i go antap moa yet long olgeta de.

Long tude taim mi rait, kos bilong salim tim long rot, solwara o skai i go antap moa moa yet. Gavman i karim bikpela hevi long taim ol tokaut long salim tim bilong ol wanwan provins bilong ol go long dispela gem. Ol gat bilip long provinsal tim bilong ol long karim nem bilong provins bilong ol.

Taim komitmen i stap, liklik wok tasol ol i mekim long kamap gut tim long redim ol. Mi lukim tru long ai bilong olsem liklik tingting ol givim long redim tim.

Askim nau em, husat i redi long kisim dispela wok i go. Mi no laik poinim pinga, tasol ol pipel mas kisim dispela wok taim Gavman i putim bikpela mani long dispela projek. I hat long bilip taim mani i go aut na nogat wok i kamap long en. Gavman bai sekim olgeta pepa wok taim olgeta samting i pinis na bai lukim kaikai bilong em sapos olgeta mani i ron gut.

Long dispela tasol, mi mekim liklik sat we mi ting bai ken helpim ol pipel husat bai go pas long ol dispela wok. Dispela em moa long kisim ol samting i kamap wantaim nogat luksave. Yumi mas stop long dispela kain pasin bilong wokim nating nating, na kamapim gutpela na strongpela wok long ol mani bilong gavman.

Long sat mi mekim, ol pipel husat i go pas I mas lukluk go pas o mekim plen bilong ol pastim na lukluk long narapela tupela yia bai kam bihain long redim provinsal tim bilong ol.

Em no isi pela wok long redim provinsal tim. Dispela wok em hatpela na strongpela wok, yu mas putim olgeta tingting bilong yu go insait. Olsem na i moa gutpela long plenim pastaim long tupela yia i kam.

Larim mi givim wanpela tok piksa. 2013 kam, dispela sat i bruk go long ol kwota. Long namba wan kwota, i gat wok long mekim. Sampela long ol dispela wok em long makim ol plening komiti, brukim ol wok, developim taim bilong miting, bung wantaim ol Provinsal na Distrik atoriti, na putim olgeta iven baset. Long namba tu kwota, plening komiti wantaim Provinsal na Distrik Atoriti i mas stat redi long ol Distrik gem. Distrik I mas kisim olgeta LLG long redi long ol Distrik gem na long namba tu kwota baset, ol gem bai stat isi tasol long Distrik na ol bai ken painim ol gutpela pilai manmeri.

Namba foa kwota bai lukim ol redi long ol provinsal gem taim i kam long 2014 long namba wan kwota bilong ol.

Taim pinis bilong namba wan kwota long 2014, trening skwat bilong ol redi na ol narapela samting bai kamap bihain lain tasol. Ol samting olsem nem bilong ol namba bilong ol na sampela moa.

Namba tu, namba tri na namba foa kwota bai lukim ol bai trening tasol na redim ol yet long 2014 PNG Gems.

Tim Isten Hailens kamapim K500, 000

Sape Metta i raitim

TIM Isten Hailens i kamapim pinis moa long K500,000 long taim em i statim na putim kamap wanpela fan reising koporet dina long Bird of Paradise Hotel long Goroka long las wik Sarere.

Bikpela hap bilong dispela mani bai kam long long opis bilong Gavana Julie Soso husat i wokim komitmen long givim K116,000, taim opis bilong Provinsal Edministresen i mekim komitmen long givim narapela K100,000.

Opis bilong memba bilong Unggai/ Bena, Benny Allan, husat i minista bilong Lens na Fisikol Plening i givim K10,000.

Bisnisan na papa bilong Bintangor Lahanis intesiti ragbi lig tim, Simon Sia, i givim K5,000 taim ol arapela koperet grup na praivet sekta, na ol lain i makim ol midia tu i wokim ol kes komitmen we i kisim mani mak long wanpela fan reising nait I go antap long

hap milien kina, o K500,000.

Dispela mani bai go long fandim kos bilong trevol o wok-abaut, haus slip, kaikai na ol narapela samting bilong 587 spotsman meri na ol opis bilong tim husat bai go na stap long 2012 PNG Gems long Kokopo, Is Niu Briten long mun Novemba.

Gavana Soso i tokim ol sapota long dina olsem ol lokol na provinsal spot manmeri husat bai go long gem em ol i makim provins na olsem, Gavana Soso i amamas long givim ful sapot long ol.

Em I tok, tim i bin winim taitol tupela taim long las 4-pela gem na em bai amamas long tim i winim taitol gen, na kam bek wantaim taitol na planti gol medol.

Nau yet, Tim Isten Hailens bai lukluk long kamapim mani mak klostu long K2milian long salim tim i go long Kokopo.

Siaman bilong Isten Hailans Spots Atoriti (EHSA), Kevin Poke, i tok wok long fan resiong i no stap long hia, tasol em bai go het yet.

Gurias em ol sempion

Samuel Peter Koim i raitim

AGMARK Rabaul Gurias i winim Structural Bridging System Mendi Muruks 14-10 na kamap ol sempion bilong dispela yia 2012 Dijicel Kap resis.

"Mipela bin wok hat tru olsem klostu long wanpela yia olgeta long kam inap long mak olsem long kisim dispela kap. Em soim tru kaikai bilong olgeta hat wok mipela i bin mekim na mipela i amamas tru olsem mipela i win", Hap-Bek bilong Guias, Ase Boas, i mekim dispela toktok.

Klostu mak olsem 10 000 man,meri na pikinini i bin kam long supotim tim bilong ol. Planti lain long ol arapela provins tu i bin lusim ples na kam lukim dispela gem. PRL fil i bin pulap tru we i lukim planti ol sapota i stap ausait yet taim gem i pinis.

Tupela tim wantaim i bin pilai wanpela strongpela gem stret. Insait long nambawan hap, Gurias winga Chris Jerry, i kamap namba wan man long

putim nambawan trai bilong dispela gren fainol. Dispela trai i bin kamap bihain long 7 pela minit i go insait long nambawan hap.

Tasol Muruks i soim strong tru wantaim planti ol gutpela na strongpela ron bilong kain pilaia olsem Roy Kela, Joseph Omai na Jackson Undie long namel bilong fil i lukim senta bilong Muruks Mathew Puke, putim wanpela trai long kona. Yangpela sta fiv-eit Kewa Kili, surukim skoa go antap 6-4.

Gurias fowat olsem Rodney Pora, Kot Kerua na Emmanuel John i wok hat tru long namel wantaim planti hit-aps, ol strongpela, gutpela na hatpela takols. Dispela hatwork bilong ol i karim kaikai taim Muruks difens i no strong na lukim Boas Ruru i skoa long kona. Em karim skoa i go sanap olsem 8-6 bihain long kik i no bin go insait.

Tasol Muruks i kisim bikpela sapot tru long ol sapota husait singaut 'lip-ilipi'na i apim strong bilong ol we i lukim rise fowat Malachi Owen brukim difens na skoa. Kewa i misim kik na skoa sanap olsem 10-8. I no lontaim, wanpela asua bilong Mu-

ruks i lukim Gurias kisim wanpela taim poinis na karim skoa nau sanap olsem 10-10.

Klostu long 15 minit tasol bin stap bipo long fultaim, Chris Jerry putim namba tu trai bilong em long dispela gem bihain tasol long em kisim wanpela gutpela pas long Markus.

Dispela trai i karim strong i kam bek gen long ol Gurias na long ol dispela liklik taim we i bin stap bipo long fultaim, Gurias pilaia pilai olsem em tru wanpela las pela gem bilong ol.

"Mipela i mekim ol liklik samting stret na dispela i helpim mipela long skoa na win. Bigpela tok amamas i go long olgeta yangpela mangi husat pilai dispela gem", Michael Marum i tok. Michael Marum em wanpela man husait bin lainim na skulim ol dispela yangpela mangi long wanpela yia olgeta long dispela Dijicel kap resis. Dispela bilip na strongpela tingtink bilong em long kirapim ol yangpela mangi long kamap strong em karim kaikai taim ol dispela Gurias mangi winim Muruks.

Gurias i kisim kap wantaim K50,000 prais mani long winim dispela gem.

SEIVIM MONI LONG FLAI LONG SEPTEMBER

Port Moresby	→	Brisbane	K 409
Brisbane	→	Port Moresby	K 429
Port Moresby	↔	Lae	K 209
Port Moresby	↔	Popondetta	K 179
Port Moresby	↔	Alotau	K 239
Port Moresby	↔	Mt. Hagen	K 279
Lae	↔	Goroka	K 99
Wewak	↔	Mt. Hagen	K 189
Kokopo	↔	Kimbe	K 159

Prais bilong baim balus em bungim olgeta takis na GST.

Peim na bukim tiket long Wild Class na long ron bilong balus namel long 23rd September igo inap long 30th November 2012.

Taim bilong salim tiket em Wednesday 12th September 2012 igo inap long Sunday 23rd September 2012.

Sia bilong balus isot nau
Ringim **16111** (long digicel fon) or visitim websait **www.apng.com**

Airlines PNG
COME FLY OUR WAY

PORT MORESBY	- Level 1, Pacific Place, 321 3400
MT. HAGEN	- Central Highlands Printers, 542 0662 - Kagamuga Airport, 542 2732
LAKE	- Micro Bank Haus, Fifth Street, 479 5980
POPONDETTA	- Top Town (opp. Memorial Park), 629 7638
ALOTAU	- Preston White Street, 641 1288
GOROKA	- Airport, 532 2532
TABUBIL	- Airport, 649 9171
KIUNGA	- Airport, 649 1125
MADANG	- Global Travel, 422 0011
KIMBE	- Kimbe Travel Centre, 983 5802
RABAUL	- Rabaul Hotel, 982 1999



PNG Netbol Federesen kisim K36,000 long Dijicel PNG

Nicky Bernard i raitim

PAPUA Niugin Netbal Federesen I kam gut gen long dispela yia wantaim bikpela helpm bilong Dijicel PNG.

Dijicel PNG i givim K36,000 long PNGNF long helpim ol bikpela pilai bai ol holim long Lae, Morobe Provins.

Dijicel tu i kamapim wanpela progem long helpim ol liklik skul long save long dispela pilai.

Dispela progem ol

kolim long Junia Netta, na hap mani bilong dispela K36,000 bai go long ol junia pilaia.

Bos meri bilong Pablik Rilesen bilong Dijisel, Jayleen Morris i tok, Dijicel i amamas long sapatim ol spot long Papua Niugini na Netbol em wanpela bilong ol spot.

Jayleen tok tu olsem dispela yia em namba tu yia bilong ol long helpim netbol pilai na dispela i kam long tupela yia kontrak ol i mekim bipo.

Presiden bilong Net-

bol Federesen, Julianne Leka- Maliaki, i amamas long Dijicel na tok dispela helpim bilong Dijicel bai helpim ol na karimaut program bilong ol na dispela bikpela sempionsip we bai kamap long Lae.

Julienne I tok tu olsem dispela helpim bilong Dijicel bai helpim ol tu long intanesenal gem na SautPasifik Gem long 2015.

Dijicel PNG nau i kisim neming rait long bikpela pilai long Lae na junia program bilong Junia Netta.



Star pilaia bilong Rabaul Guria Wartovo Junia, i holim Digicel trofi ol winim long wiken go pinis. Em sanap wantaim sponsa bilong ol na wan pilaia bilong em. *lukim stori long pes 29. Poto Nicky Bernard*

INSAIT:

■ **NRL SEMI FAINOLS
 DROS na NIUS:
 PES 29**



All Sport and First Aid requirements.



**P.O.Box 1066 Boroko.
 Phone 325 3185. Fax 325 0190.
 Email sales@johnstons.com.pg."**